

PL

2831

K8

1886

V. 10







讀雪山房唐詩卷二十二

凡例二  
詩十六

小傳二

目錄一

五排凡例

武進管世銘韞山氏著

元宗早渡蒲關藻耀鮮明氣勢穩稱王荆公百家詩選以爲  
壓卷吾無閒然

陳子昂之白帝杜審言之贈蘇味道沈佺期之和韋舍人早  
朝宋之問之晦日昆明池應制景龍以前之名篇也

張曲江宋廣平張燕公蘇許公應制諸作雄厲振拔見一代  
君臣際會之盛

盧象送綦母潛祖詠清明宴劉郎中別業瀟灑脫俗全是古  
詩興趣不獨李太白黃鵠西樓月一篇也

王摩詰之春容李青蓮之灑落岑嘉州之奇警高達夫之沈



著長律中缺一不可

李杜二公古今勁敵獨七言律與五言長律太白寥寥數篇而已豈若少陵之瓊琚玉佩大放厥詞哉

少陵長律排比鋪張之內陰施陽設變動若神元微之素工此體故能識其奧窔而李之遜杜實在此處元遺山以譏微之亦好高而不察實也

杜工部有三體詩古今無兩七言古七言律五言長律也

大厯詩人多用此體詩爲祖餞如錢起送劉相公江淮催轉運送王諫議東都居守送鄭書記皇甫冉吉中孚送歸中丞使新羅韓翃送王相公幽州巡邊耿漳送蔣尙書東都畱守盧綸送鮑中丞赴太原皇甫曾送和蕃使莫不聲華冠冕詞



旨安和使節星輶得之增重才子之名信不虛也

柳子厚同劉二十八述舊言情八十韻韻愈險而詞愈工氣愈盛最爲長律中奇作稱柳詩者未有及之者也劉夢得厯陽書事七十韻亦足旗鼓相當

白傅百韻律詩三首字字調和銖兩悉稱學者未能驟窺少陵門徑且從此置力亦猶七律從大厯諸公入也元微之次韻一首亦同聲之應焉

李義山辨香子美此體尤可亂真得意處非特不媿之而已溫飛卿才多而捷又善蘊藉皆施之長律尤宜

試帖一體特便于場屋大手筆多不屑爲昌黎所謂類於俳優者之詞也卽唐賢佳製與諸體詩並列幾于無可位置茲



選概不之及惟存錢起湘靈鼓瑟一篇亦以其結句入神而存之非以其爲試帖也且吾見能爲試帖而終身無與于詩者矣安有能爲詩而顧不能爲試帖者哉



讀雪山房唐詩卷二十二

詩人小傳 二十

褚亮

字希明杭州錢塘人博覽工屬文太宗爲秦王時

以亮爲王府文學每從征伐嘗預祕謀貞觀中累  
遷散騎常侍封陽翟縣侯諡曰康今鈔五排一首

宋璟

邢州南和人登進士第調上黨尉爲監察御史遷

鳳閣舍人則天高其才神龍初拜黃門侍郎睿宗  
朝以吏部尙書同中書門下三品開元初進御史  
大夫出爲睦州刺史徙廣州都督還拜尙書兼侍  
中封廣平郡公後以右丞相致仕璟耿介有大節  
立朝屢忤權嬖被貶黜卒不改其操集十卷今鈔



五排一首

盧僎

吏部尙書從愿之從父也自聞喜尉入爲學士終  
吏部員外郎今鈔五排一首五絕二首

徐堅

字元固湖州人舉進士聖厯中爲東都畱守判官  
專主表奏王方慶稱爲掌綸誥之選楊再思亦曰  
此鳳閣舍人樣與徐彥伯劉知幾張說同修三教  
珠英構意撰錄具有條流書成遷司封員外郎中  
宗時爲給事中睿宗朝自刑部侍郎拜散騎常侍  
開元中改麗正書院爲集賢院以堅爲學士副張  
說知院事堅多識典故前後修撰格式氏族及國  
史等凡七入書府又討集前代文詞故實爲初學



記堅與父齊聘俱以詞學著聞長姑爲太宗充容  
次姑爲高宗婕妤並有文藻議者方之漢世班氏  
集三十卷今鈔五排一首

張嘉貞

蒲州猗氏人以五經舉補平鄉尉則天召見與語  
大悅擢監察御史累遷中書舍人開元中拜中書  
令後出爲定州刺史知北平軍事將行上自賦詩  
詔百寮出餞於上東門外嘉貞至州於恆嶽廟中  
立頌自爲文書石累封河東侯今鈔五排一首

徐 晶

與胡皓蔡孚同時官魯郡錄事今鈔五排一首

崔 翹

融之子開元中與兄禹錫相次爲中書舍人厯禮  
部侍郎贈荊州大都督今鈔五排一首



大分賦題詞中史以爲中得會人同天中野中昔  
謝過知人以正強舉新學知開天口具與焉  
建三十餘年拾正振一會  
大分賦題詞中史以爲中得會人同天中野中昔  
謝過知人以正強舉新學知開天口具與焉  
建三十餘年拾正振一會  
大分賦題詞中史以爲中得會人同天中野中昔  
謝過知人以正強舉新學知開天口具與焉  
建三十餘年拾正振一會



讀雪山房唐詩卷二十二

五排目錄一

元 宗二首

褚 亮一首

李 嶠一首

盧照隣一首

駱賓王二首

陳子昂二首

張九齡三首

杜審言三首

鄭 愔二首

沈佺期五首

宋之問四首

宋 璟一首

張 說七首

蘇 頲三首

盧 僎一首

徐 堅一首

張嘉貞一首

徐 晶一首

孫 逖一首

王 灣一首

盧 象一首

崔 翹一首

崔 顥一首

祖 詠一首

王 維十一首

孟浩然一首

李 頎一首



岑參三首

高適三首



讀雪山房唐詩卷二十二

五排一

早渡蒲津關

元宗

鐘鼓嚴更曙山河野望通鳴鑾下蒲坂飛旆入秦中地險關  
逾壯天平鎮尙雄春來津樹合月落戍樓空馬色分朝景雞  
聲逐曉風所希常道泰非復棄繻同

左丞相說右丞相璟太子少傅乾曜同日上官命宴都  
堂賜詩

赤帝收三傑黃軒舉二臣由來丞相重分掌國之鈞我有握  
中璧雙飛席上珍子房推道要仲子訝風神復輟台衡老將  
爲調護人鵷鸞同拜日車騎擁行塵樂聚南宮宴觴連北斗



言山房詩卷三  
醕俾予成百揆端拱問彝倫

傷始平李少府正己

褚亮

勞息本相循悲歡理自均誰能免元夜惜爾正青春邁德惟  
宗室生才諒國珍高文綴翡翠茂學掩麒麟述作紛無已言  
談妙入神斷腸雖累月分手未盈旬輔嗣俄長往顏生卽短  
辰聲華滿昭代形影委窮塵禪草迴中使生芻引弔賓同遊  
秘府日方駕直城闔並拜黃圖右分曹清渭濱風期嵇呂好  
存沒范張親虛座憐王述遺篇慟景純精靈與毫翰千祀壽  
何人

奉和幸韋嗣立山莊應制

李嶠

南洛師臣契東巖王佐居幽情遺紱冕宸眷屬樵漁制下峒



山蹕恩回灞水興松門駐旌蓋薜幄引簪裾石磴平黃陸煙  
樓半紫虛雲霞仙路近琴酒俗塵疏喬木千齡外懸泉百丈  
餘崖深經鍊藥穴古舊藏書樹宿搏風鳥池潛縱壑魚寧知  
天子貴尙憶武侯廬

西使兼送孟學士南遊

盧照隣

地道巴陵北天山弱水東相看萬餘里共倚一征篷零雨悲  
王粲清尊別孔融徘徊聞夜鶴悵望待秋鴻骨肉胡秦外風  
塵關塞中惟餘劒鋒在耿耿氣成虹

宿溫城望軍營

駱賓王

虜地寒膠折邊城夜柝聞兵符關帝闕天策動將軍塞靜胡  
笳徹沙明楚練分風旗翻翼影霜劒轉龍文白羽搖如月青



詩集山房集卷三  
二  
山斷若雲煙疏疑捲幔塵滅似銷氛投筆懷班業臨戎想召  
勲還應雪漢恥持此報明君

晚泊蒲類

二庭歸望絕萬里客心愁山路猶南屬河源自北流晚風連  
朔氣新月照邊秋竈火通軍壁烽煙上戍樓龍庭但苦戰燕  
領會封侯莫作蘭山下空令漢國羞

白帝城懷古

陳子昂

日落滄江晚停橈問土風城臨巴子國臺沒漢王宮荒服仍  
周甸深山尙禹功巖懸青壁斷地險碧流通古木生雲際孤  
帆出霧中川途去無限客思坐何窮

峴山懷古



秣馬臨荒甸登高覽舊都猶悲墮淚碣尙想臥龍圖城邑遙  
分楚山川半入吳邱陵徒自出賢聖幾凋枯野樹蒼煙斷津  
樓晚氣孤誰知萬里客懷古正踟躕

奉和聖製早度蒲津關

張九齡

魏武中流處軒皇問道回長隄春樹發高掌曙雲開龍負王  
舟渡人占仙氣來河津會日月天仗役風雷東顧重關盡西  
馳萬國陪還聞股肱郡元首詠康哉

奉和聖製送尙書燕國公赴朔方

宗臣事有征廟算在休兵天與三台座人當萬里城朔南方  
偃革河右暫揚旌寵錫從仙禁光華出漢京山川勤遠略原  
隰軫皇情爲奏薰琴唱仍題寶劒名聞風六郡伏計日五戎



讀書山房唐詩卷三十一  
三  
平山甫歸應疾畱侯功復成歌鐘旋可望衽席豈難行四牡  
何時入吾君聽履聲

自始興溪夜上赴嶺

嘗蓄名山意茲爲世網牽征途屢及此初服已非然日落青  
巖際溪行綠篠邊去舟乘月後歸鳥息人前數曲迷幽嶂連  
圻觸暗泉深林風緒結遙夜客情懸非梗胡爲泛無膏亦自  
煎不知于役者相樂在何年

度石門山

杜審言

石門千仞斷迸水落遙空道束懸崖半橋欹絕澗中仰攀人  
屢息直下騎纔通泥擁奔蛇徑雲埋伏獸叢星躔牛斗北地  
脈象牙東開塞隨行變高深觸望同江聲連驟雨日氣抱殘



虹未改朱明律先含白露風堅真深不憚險澀諒難窮有異  
登臨賞徒爲造化功

春日江津遊望

旅客搖邊思春江弄晚晴煙銷垂柳弱霧捲落花輕飛棹乘  
空下回流向日平鳥啼移幾處蝶舞亂相迎忽歎人皆濁隄  
防水至清谷王常不讓深可戒中盈

贈蘇味道

北地寒應苦南庭戍未歸邊聲亂羌笛朔氣捲戎衣雨雪關  
山暗風霜草木稀胡兵戰欲盡漢卒尙重圍雲淨妖星落秋  
深塞馬肥據鞍雄劒動搖筆羽書飛輿駕還京邑朋遊滿帝  
畿方期來獻凱歌舞共春暉



塞外

三首之一

鄭愔

塞外蕭條望征人此路賒邊聲亂朔馬秋色引胡笳遙嶂侵  
歸日長城帶晚霞斷蓬飛古戍連雁聚寒沙海暗雲無葉山  
春雪作花丈夫期報主萬里獨辭家

哭郎著作

詩禮康成學文章賈誼才已年人得夢庚日鳥爲災書草藏  
天閣琴聲入夜臺荒階羅駁蘚虛室網浮埃白馬賓徒散青  
烏隴隊開空憐門下客懷舊幾遲迴

奉和晦日駕幸昆明池應制

沈佺期

法駕乘春轉神池象漢回雙星遺舊石孤月隱殘灰戰鷁逢  
時去恩魚望幸來山花緹騎繞隄柳幔城開思逸橫汾唱歡



畱宴鎬盃微臣雕朽質羞覩豫章材

酬蘇員外味道夏晚寓直省中見贈

並命登仙閣分曹直禮闈大官供宿膳侍史護朝衣卷幔天河入開窗月露微小池殘暑退高樹早涼歸冠劒無時釋軒車待漏飛明朝題漢柱三署有光輝

和韋舍人早朝

闐闐連雲起巖廊拂霧開玉珂龍影度珠履雁行來長樂宵鐘盡明光曉奏催一經傳舊德五字擢英才儼若神仙去紛從霄漢回千春奉休厯分禁喜趨陪

奉和聖製幸禮部尙書竇希玠宅

北闕垂旒暇南宮聽履迴天臨翔鳳轉恩向濯龍開蘭氣薰



仙帳榴花引御杯水從金穴吐雲是玉衣來池影搖歌席林  
香散舞臺不知行漏晚清蹕尙徘徊

哭蘇眉州崔司業二公

同時郎裴懷古者作牧潭府神龍三年秋八月在期  
承恩北歸途中覲止訪及故舊知眉州蘇使君味道  
國子崔司業融馳旋間相次而逝蘇往任鳳闕侍郎  
佺期忝通事舍人崔重爲鳳閣舍人佺期又遷給事  
並銜疇昔之眷俱荷推獎之恩前年負譴南荒二公  
先移官守迨此凶問情理何堪所歎竄逐有期行邁  
在遠哀不展舊禮不申悲流慟斯文冀通幽路

渙汗天中發伶俜海外旋長沙遇太守問舊幾人全國寶亡



雙傑天才喪兩賢大名齊弱歲高德並中年風鑑王夷甫文  
章謝惠連相看尙元鬢以次入黃泉流放蠻陬闊鄉關帝里  
偏親朋雲霧擁生死歲時傳崔昔揮宸翰蘇嘗濟巨川絳衣  
陪下列黃閣謬差肩及此俱冥昧云誰敘播遷隼輿懷舊轍  
鱸館想虛筵家愛方休杵皇慈更撤懸銘旌西蜀路騎吹北  
邙田隴樹應秋矣江帆故杳然罷琴明月夜畱劒白雲天涕  
泗湘潭水淒涼衡嶠煙古來修短分神理竟難筌

奉和晦日幸昆明池應制

宋之問

春豫靈池會滄波帳殿開舟凌石鯨渡槎拂斗牛回節晦莫  
全落春遲柳暗催象溟看浴景燒劫辨沈灰鎬飲周文樂汾  
歌漢武才不愁明月盡自有夜珠來



和姚給事寓直之作

清論滿朝陽高才拜夕郎還從避馬路來接弭貂行寵就黃  
扉日威回白簡霜柏臺遷烏茂蘭署得人芳禁靜鐘初徹更  
疏漏漸長曉河低武庫流火度文昌寓直恩微重乘秋藻翰  
揚暗投空欲報下調不成章

登越王臺

江上越王臺登高望幾回南溟天外合北戶日邊開地濕煙  
常起山晴雨半來冬花採盧橘夏果摘楊梅跡類虞翻枉人  
非賈誼才歸心不可見白髮重相催

早發始興江口至虛氏村作

侯曉踰閩嶠乘春望越臺宿雲鵬際落殘月蚌中開薜荔搖



青氣枕榔翳碧苔桂香多露裊石響細泉回抱葉元猿嘯銜  
花翡翠來南中雖可悅北思日悠哉鬢髮俄成素丹心已作  
灰何當首歸路行翦故園萊

奉和御製璟與張說源乾曜同日上官命宴都堂賜詩

應制

宋璟

丞相邦之重非賢諒不居老臣庸且億何德以當諸厚秩先  
爲忝崇班復此除太常陳禮樂中掖降簪裾聖酒山河潤仙  
文象緯舒冒恩懷寵錫陳力省空虛郭隗慙無駿馮諼愧有  
魚不知周勃者榮幸定何如

奉和御製與宋璟源乾曜同日上官命宴東堂賜詩應

制

張說

# 讀雪山房唐詩鈔



言言山房詩卷三  
大塊鎔羣品經生偶聖時猥承三事命虛忝百僚師右揆謀  
華碩前星傳重資連騫求舊禮濫典樂賢詩賜釜同榮拜攬  
金宴宰司菊花吹御酒蘭葉捧天詞寶厯休明盛頽年晷漏  
衰少畱青史筆未便赤松期

扈從幸韋嗣立山莊應制

寒灰飛玉琯湯井駐金輿旣得方明相還尋大隗居懸泉珠  
貫下列帳錦屏舒騎遠林逾密笳繁谷自虛門旗塹複磴殿  
幕裏通渠舞鳳迎公主雕龍賦婕妤地幽天賞洽酒樂御筵  
初菲才叨侍從連藻媿應徐

春晚侍宴麗正殿探得開字

聖政惟稽古賓門引上才坊因購書立殿爲集賢開毫彥星



辰下仙章日月回  
字如龍負出韻是鳳銜  
來庭柳餘春駐宮  
鶯早夏催喜承芸閣宴  
幸奉柏梁杯

奉和聖製途經華嶽應制

西嶽鎮皇京  
中峯入太清  
玉鑾重嶺應  
緹騎薄雲迎  
霽日懸高掌  
寒空類削成  
軒遊會神處  
漢幸望仙情  
舊廟青林古  
新碑綠字生  
羣臣願封岱  
還駕勒鴻名

奉和聖製暇日與兄弟同遊興慶宮作應制

漢武橫汾日  
周王宴鎬年  
何如造區夏  
復此睦親賢  
巢鳳新成閣  
飛龍舊躍泉  
棣華歌尙在  
桐葉戲仍傳  
禁籞氛埃隔  
平臺景物連  
聖慈良有裕  
王道固無偏  
問俗兆人阜  
觀風五教宣  
獻圖開益地  
張樂奏鈞天  
侍酒衢樽滿  
詢芻諫鼓懸  
永言



言言山房集卷三  
八  
形友愛萬國共周旋

將赴朔方軍應制

禮樂逢明主韜鈴用老臣恭憑神武策遠御鬼方人  
供帳榮恩餞山川喜詔巡天文日月麗朝賦管絃新  
幼志傳三略衰材謝六鈞  
膽由忠作伴心固道爲鄰  
漢保河南地胡清塞北塵  
連年大軍後不日小康辰  
劒舞輕離別歌酣忘苦辛  
從來思博望許國不謀身

清遠江峽山寺

流落經荒外逍遙此梵宮  
雲峯吐月白石壁淡煙紅  
寶塔靈仙湧懸龕造化功  
天香涵竹氣虛唄引松風  
簷牖飛花入房廊激水通  
猿鳴知谷靜魚戲辨江空  
靜默將何貴惟應心境



同

奉和聖製幸禮部尚書竇希玠宅應制  
蘇頲

尚書列侯第外戚近臣家  
飛棟臨青綺迴輿轉翠華  
日交當戶樹泉漾滿池花  
圓頂圖嵩石方流擁魏沙  
豫遊今聽履侍從昔鳴笳  
自有天文降母勞訪海槎

奉和聖製幸望春宮送朔方大總管張仁亶

北風吹早雁日夕渡河飛  
氣冷膠應折霜明草正腓  
老臣幃幄算元宰廟堂機  
餞飲迴仙蹕臨戎解御衣  
軍裝乘曉發師律候春歸  
方伫勳庸盛天詞降紫微

同餞陽將軍兼源州都督御史中丞

右地接龜沙中朝任虎牙  
然明方改俗去病不爲家  
將禮登



言山房星言卷三  
九  
壇盛軍容出塞華朔風搖漢鼓邊馬思胡笳旗合無邀正冠  
危有觸邪當看勞還日及此御溝花

上幸皇太子新院應制

盧僎

佳氣曉蔥蔥乾行入震宮前星迎北極少海被南風視膳桐  
樓下吹笙玉座中訓深家以正義舉俗爲公父子成釗合君  
臣禹啓同仰天歌聖道猶愧乏雕蟲

奉和聖製送張說巡邊

徐堅

至德撫遐荒神兵赴朔方帝思元帥重爰擇股肱良累相承  
安世深籌協子房寄崇專斧鉞禮備設壇場鼙鼓喧雷電戈  
爰凜雪霜四駢將戒道十乘啓先行聖錫加恆數天文耀寵  
光出郊開帳飲寅餞盛離章雨濯梅林潤風清麥野涼燕山



應勒頌麟閣佗名揚

恩敕尙書省寮宴昆明池應制

張嘉貞

靈沼初開漢神池舊浴堯昔人徒習武明代此聞韶地脈山川勝天恩雨露饒時光牽利舸春淑覆柔條芳醞醒千日華牋落九霄幸承歡賚重不覺醉歸遙

贈溫駙馬汝陽王

徐 晶

疇昔承餘論文章幸濫推夜陪銀漢賞朝奉桂山詞梁邸調歌日秦樓按舞時登高頻作賦體物屢爲詩連騎長楸下浮觴曲水湄北堂畱上客南陌送佳期憶昨陪臨泛于今阻宴私再看冬雪滿三見夏花滋都尉朝青閣淮王侍紫墀寧知倦遊者華髮老京師



送趙都護赴安西

孫 逖

外域分都護中臺命職方  
欲傳清廟略先取劇曹郎  
已佩登壇印猶懷伏奏香  
百壺開祖餞四牡戒戎裝  
青海連西極黃河帶北涼  
關山瞻漢月戈劒宿胡霜  
體國才先著論兵策復長  
果持文武術還繼杜當陽

哭補闕亡友綦母學士

王 灣

明代資多士儒林得異才  
書從金殿出人向玉墀來  
詞學張平子風儀褚彥回  
崇儀希上德近侍接元台  
曩契心期早今游宴賞陪  
屢遷君擢桂分尉我從梅  
忽遇乘輶客云傾構廈材  
泣爲涇水化歎作泰山頽  
冀善初將慰尋言半始猜  
位聯情易感交密痛難裁  
遠日寒旌暗長風古挽哀  
寰中無舊業



行處有新苔反哭魂猶寄終喪子尙孩葬田門吏給墳木路  
人栽遽洩悲成往俄傳寵令迴元經貽石室朱紱耀泉臺地  
古春長閉天明夜不開登山一臨哭揮淚滿蒿萊

送綦毋潛

盧象

夫君不得意本自滄江來高足未云騁虛舟空復迴淮南楓  
葉落灞岸桃花開出處暫爲耳浮沈安繫哉如何天覆物還  
遣世遺才欲識秦將漢嘗聞王與裴離筵對寒食別雨乘春  
雷會有徵書至荷衣莫漫裁

鄭郎中山亭

崔翹

篆筆飛章暇園亭染翰游地奇人境別事遠俗塵收書閣山  
雲起琴齋澗月畱泉清鱗影見樹密鳥聲幽杜馥薰梅雨荷



香送麥秋無勞置驛騎文酒可相求

奉和許給事夜直簡諸公

崔顥

西掖黃樞近東曹紫禁連地因才子拜人用省郎遷夜直千  
門靜河明萬象懸建章宵漏急閭闔曉鐘傳寵列貂蟬位恩  
深侍從年九重初起草五夜卽成篇顧已無官次循涯但自  
憐遠陪蘭署作空此仰神仙

清明宴司勳劉郎中別業

祖詠

田家復近臣行樂不違親霽日園林好清明煙火新以文長  
會友惟德自成鄰池照窗陰晚杯香藥味春簷前花覆地竹  
外鳥窺人何必桃園裏深居作隱淪

奉和聖製上巳於望春亭觀禊飲應制 王維



長樂青門外宜春小苑東樓開萬井上輦過百花中畫鷁移  
仙仗金貂列上公清歌邀落日妙舞向春風渭水明秦甸黃  
山入漢宮君王來被襖灞滻亦朝宗

奉和聖製暮春送朝集使歸郡應制

萬國仰宗周衣冠拜冕旒玉乘迎大客金節送諸侯祖席傾  
三省褰帷向九州楊花飛上路槐色蔭通溝來預鈞天樂歸  
分漢主憂宸章類河漢垂象滿寰邱

奉和聖製幸玉真公主山莊因題石壁十韻之作應制

碧落風煙外瑤臺道路賒如何連帝苑別自有仙家匝地回  
鸞駕緣谿轉翠華洞中開日月窗裏發雲霞庭養沖天鶴溪  
流上漢查種田生白玉泥竈化丹砂谷靜泉逾響山深日易



斜御羹和石髓香飯進胡麻大道今無外長生詎有涯還瞻  
九霄上來往五雲車

贈焦道士

海上遊三島淮南預八公坐知千里外跳向一壺中縮地朝  
珠闕行天使玉童飲人聊割酒送客乍分風天老能行氣吾  
師不養空

類箋註  
云有誤

謝君徒雀躍無可問鴻濛

贈東嶽焦鍊師

先生千歲餘五岳遍曾居遙識齊侯鼎新過王母廬不能師  
孔墨何事問長沮玉管時來鳳銅盤卽釣魚竦身空裏語明  
目夜中書自有還丹術時論太素初頻蒙露版詔時降輶輪  
車山靜泉逾響松高枝轉疏搢頤問樵客世上復何如



送秘書晁監還日本國

積水不可極安知滄海東九州何處遠萬里若乘空向國惟  
看日歸帆但信風鰲身映天黑魚眼射波紅鄉樹扶桑外主  
人孤島中別離方異域音信若爲通

送李太守赴上洛

商山包楚鄧積翠藹沈沈驛路飛泉灑關門落照深野花開  
古戍行客響空林板屋春多雨山城晝欲陰丹泉通虢略白  
羽抵荆岑若見西山爽應知黃綺心

濟州過趙叟家宴

雖與人境接閉門成隱居道言莊叟事儒行魯人餘深巷斜  
暉靜閉門高柳疏荷鋤修藥圃散帙曝農書上客搖芳翰中



言言山房詩卷三  
三  
廚饋野蔬夫君第高飲景宴出林閭

曉行巴峽

際曉投巴峽餘春憶帝京晴江一女浣朝日眾雞鳴水國舟  
中市山橋樹杪行登高萬井出眺迥二流明人作殊方語鶯  
爲故國聲賴多山水趣稍解別離情

過沈居士山居哭之

楊朱來此路桑扈反於真獨自成千古依然舊四鄰閑簷喧  
鳥雀故榻滿埃塵曙月孤鶯轉空山五柳春野花愁對客泉  
水咽迎人善卷明時隱黔婁在日貧逝川嗟爾命邱井歎吾  
身前後徒言隔相悲詎幾晨

哭祖六自虛

時年十八



否極嘗聞泰嗟君獨不然憫凶纔稚齒羸疾至中年餘力文  
章秀生知禮樂全翰畱天帳覽詞入帝宮傳國訝終軍少人  
知賈誼賢公卿盡虛左朋識共推先不恨依窮轍終期濟巨  
川才雄望羔雁壽促背貂蟬福善聞前錄殲良昧上玄何辜  
鍛鸞翮底事碎龍泉鵬起長沙賦麟終曲阜編域中君道廣  
海內我情偏乍失疑猶見沈思悟絕緣生前不忍別死後向  
誰宣爲此情難盡彌令憶更纏本家清渭曲歸葬舊塋邊永  
去長安道徒開京兆阡旌車出郊甸鄉國隱雲天定作無期  
別寧同舊日旋候門家屬苦行路國人憐送客哀難進征途  
泥復前贈言爲挽曲奠席是離筵念昔同攜手風期不暫捐  
南山俱隱逸東洛類神仙未省音容聞那堪生死遷花時金



言香山房房言卷三  
谷飲月夜竹林眠滿地傳都賦傾朝看藥船羣公咸屬目微  
物敢齊肩謬合同人旨而將玉樹連不期先掛劍長恐後施  
鞭爲善吾無矣知音子絕焉琴聲縱不沒終亦繼悲絃

陪盧明府泛舟回峴山作

孟浩然

百里行春返清流逸興多鷁舟隨雁泊江火共星羅已救田  
家旱仍憂俗化訛文章推後輩風雅激頽波高岸迷陵谷新  
聲滿櫂歌猶憐不才子白首未登科

宿香山寺石樓

李頎

夜宿翠微寺高樓聞暗泉漁舟帶遠火山磬發孤烟衣拂雲  
松外門清河漢邊峯巒低枕席世界接人天靄靄花含霧輝  
輝星映川東林曙鶯滿惆悵欲言旋



送郭僕射節制劔南

岑參

鐵馬擐紅纓，幡旗出禁城。  
明王親授鉞，丞相欲專征。  
玉饌天廚送，金杯御酒傾。  
劔門乘嶮過，閣道踏空行。  
山鳥驚吹笛，江猿看洗兵。  
曉雲隨去陣，夜月逐行營。  
南仲今時往，西戎計日平。  
將心感知己，萬里寄懸旌。

送盧郎中除杭州赴任

罷起郎官草，初分刺史符。  
海雲迎過楚，江月引歸吳。  
城底濤聲震，樓端蜃氣孤。  
千家窺驛舫，五馬飲春湖。  
柳色供詩用，鶯聲送酒須。  
知君望鄉處，枉道上姑蘇。

早秋與諸子登虢州西亭觀眺

亭高出鳥外，客到與雲齊。  
樹點千家小，天圍萬嶺低。  
殘虹挂



言山房集卷三  
三  
峽北急雨過關西酒榼緣青壁瓜田傍綠谿微官何足道愛  
客且相攜唯有鄉園處依依望不迷

信安王幕府詩

并序

高適

開元二十年國家有事林胡詔禮部尙書信安王總  
戎大舉時考功郎中王公司勳郎中劉公主客郎中  
魏公侍御史李公監察御史崔公咸在幕府詩以頌  
美數公見於詞凡三十韻

雲紀軒皇代星高太白年廟堂咨上策幕府制中權盤石藩  
維固昇壇禮樂先國章榮印綬公服貴貂蟬樂善旌深德輸  
忠格上玄翦桐光寵錫題劒美貞堅聖祚雄圖廣師貞武德  
虔雷霆七校發旌旆五營連華省徵羣父霜臺舉二賢豈伊



公望遠曾是茂才遷並秉韜鈴術兼該翰墨筵帝思麟閣像  
臣獻柏梁篇振玉登遼甸擬金厯薊壖渡河飛羽檄橫海泛  
樓船北伐聲逾邁東征務以專講戎喧涿野料敵靜居延軍  
勢持三略兵威自九天朝瞻授鉞去時聽偃戈旋大漠風沙  
裏長城雨雪邊雲端臨碣石波際隱朝鮮夜壁衝高斗寒空  
駐綵旃倚弓元兔月飲馬白狼川庶物隨交泰蒼生解倒懸  
四郊增氣象萬里絕風煙關塞鴻勳著京華甲第全落梅橫  
吹後春色凱歌前直道常兼濟微才獨棄捐曳裾誠已矣投  
筆尙淒然作賦同元淑能詩匪仲宣雲霄不可望空欲仰神  
仙

送柴司戶充劉卿判官之嶺外



讀雪山房唐詩卷三十一  
嶺外資雄鎮朝端寵節旄月卿臨幕府星使出詞曹海對羊城闊山連象郡高風霜驅瘴癘忠信涉波濤別恨隨流水交情脫寶刀有才無不適行矣莫徒勞

陪竇侍御靈雲南亭宴詩得雷字

人幽宜眺聽目極喜亭臺風景知愁在關山憶夢迴祇言殊語默何意忝遊陪連唱波瀾動冥搜物象開新秋歸遠樹殘雨擁輕雷簷外長天盡尊前獨鳥來常吟塞下曲多謝幕中才河漢徒相望嘉期安在哉

讀雪山房唐詩卷二十二終



讀雪山房唐詩卷二十三 目錄一 詩十六

五排目錄二

張巡一首 李 白五首 杜 甫卅五首







讀雪山房唐詩卷二十二

五排二

守睢陽作

張巡

接戰春來苦孤城日漸危  
合圍倖月暈分守若魚麗  
屢厭黃塵起時將白羽揮  
裹瘡猶出陣飲血更登陴  
忠信應難敵堅貞諒不移  
無人報天子心計欲何施

中丞宋公以吳兵三千赴河南軍次尋陽脫余之囚參謀幕府因贈之

李白

獨坐清天下專征出海隅  
九江皆渡虎三郡盡還珠  
組練明秋浦樓船入郢都  
風高初選將月滿欲平胡  
殺氣橫千里軍聲動九區  
白猿慙劒術黃石借兵符  
戎虜行當翦鯨鯢立可



誅自憐非劇孟何以佐良圖

送友人尋越中山水

聞道稽山去偏宜謝客才千巖泉灑落萬壑樹縈迴東海橫  
秦望西陵遶越臺湖清霜鏡曉濤白雪山來八月枚乘筆三  
吳張翰杯此中多逸興早晚向天台

金陵送張十一再遊東吳

張翰黃花句風流五百年誰人今繼作夫子世稱賢再動遊  
吳櫂還浮入海船春光白門柳霞色赤城天去國難爲別思  
歸各未旋空餘賈生淚相顧共悽然

送儲邕之武昌

黃鶴西樓月長江萬里情春風三十度空憶武昌城送爾難



爲別銜杯惜未傾湖連張樂地山逐泛舟行諾爲楚人重詩  
傳謝朓清滄浪吾有曲寄入櫂歌聲

秋日登揚州西靈塔

寶塔凌蒼蒼登攀覽四荒頂高元氣合標出海雲長萬象分  
空界三天接畫梁水搖金刹影日動火珠光鳥拂瓊簾度霞  
連繡栱張目隨征路斷心逐去帆揚露浴梧楸白霜催橘柚  
黃玉毫如可見於此照迷方

冬日洛城北謁元元皇帝廟

杜甫

配極元都閤憑虛禁籙長守祧嚴具禮掌節鎮非常碧瓦初  
寒外金莖一氣旁山河扶繡戶日月近雕梁仙李盤根大猗  
蘭奕葉光世家遺舊史道德付今王畫手看前輩吳生遠擅



言三山房集卷三十三  
二  
場森羅移地軸妙絕動宮牆五聖聯龍袞千官列雁行冕旒  
俱秀發旌旆盡飛揚翠柏深留景紅梨迴得霜風箏吹玉柱  
露井凍銀牀身退卑周室經傳拱漢王谷神如不死養拙更  
何鄉

投贈哥舒開府翰二十韻

今代麒麟閣何人第一功君王自神武駕馭必英雄開府當  
朝傑論兵邁古風先鋒百勝在略地兩隅空青海無傳箭天  
山早挂弓廉頗仍走敵魏絳已和戎每惜河湟棄新兼節制  
通智謀隨睿想出入冠羣公日月低秦樹乾坤遶漢宮胡人  
愁逐北宛馬又從東受命邊沙遠歸來御席同軒墀曾寵鶴  
旼獵舊非熊茅土加名數山河誓始終策行遺戰伐契合動



昭融勲業青冥上交親氣概中未爲朱履客已見白頭翁壯  
節初題柱生涯獨轉蓬幾年春草歇今日暮途窮軍事畱孫  
楚行間識呂蒙防身一長劒將欲倚崆峒

敬贈鄭諫議十韻

諫官非不達詩義早知名破的由來事先鋒孰敢爭思飄雲  
物外律中鬼神驚毫髮無遺憾波瀾獨老成野人寧得所天  
意薄浮生多病休儒服冥搜信客旌築居仙縹緲旅食歲崢  
嶸使者求顏闔諸公厭禰衡將期一諾重歛使寸心傾君見  
窮途哭宜憂阮步兵

贈特進汝陽王二十韻

特進羣公表天人夙德升霜蹄千里駿風翮九霄鵬服禮求



毫髮惟忠在寢興聖情常有眷朝退若無憑仙醴來浮蟻奇  
毛或賜鷹清關塵不雜中使日相乘晚節嬉遊簡平居孝義  
稱自多親棣萼誰敢問山陵學業醕儒富詞華哲匠能筆飛  
鸞聳立章罷鳳騫騰精理通談笑忘形向友朋寸長堪繾綣  
一諾豈驕矜已忝歸曹植何知對李膺招邀恩屢至崇重力  
難勝披霧初歡夕高秋爽氣澄樽罍臨極浦鳬雁宿張燈花  
月窮遊宴炎天避鬱蒸硯寒金井水簷動玉壺冰瓢飲惟三  
徑巖棲在百層且持蠡測海況挹酒如澠鴻寶寧全秘丹梯  
庶可凌淮王門有客終不愧孫登

秦州見敕目薛三璩授司議郎畢四曜除監察與二子  
有故遠喜遷官兼述索居凡三十韻



大雅何寥闊斯人尙典型交期余潦倒材力爾精靈二子聲  
同日諸生困一經文章開窅窔遷擢潤朝廷舊好何由展新  
詩更憶聽別來頭併白相見眼終青伊昔貧皆甚同憂心不  
寧栖皇分半菽浩蕩逐流萍俗態猶猜忌妖氛忽杳冥獨慚  
投漢閣俱議哭秦庭還蜀祇無補囚梁亦固局華夷相混合  
宇宙一羶腥帝力收三統天威總四溟舊都俄望幸清廟肅  
惟馨雜種雖高壘長驅甚建瓴焚香淑景殿漲水望雲亭法  
駕初還日羣公若會星宮臣仍黠染柱史正零丁官忝趨棲  
鳳朝回歎聚螢喚人看驤裏不嫁惜娉婷掘劒知埋獄提刀  
見發劓侏儒應共飽漁父忌偏醒旅泊窮清渭長吟望濁涇  
羽書還似急烽火未全停師老資殘寇戎生及近垌忠臣辭



言山房集卷三  
四  
憤激烈士涕飄零上將盈邊鄙元勳溢鼎銘仰思調玉燭誰  
定握青萍隴俗輕鸚鵡原情類鵲鴿秋風動關塞高臥想儀  
形

與李十二白同尋范十隱居

李侯有佳句往往似陰鏗余亦東蒙客憐君如弟兄醉眠秋  
共被攜手日同行更想幽期處還尋北郭生入門高興發侍  
立小童清落景聞寒杵屯雲對古城向來吟橘頌誰欲討葺  
羹不願論簪笏悠悠滄海情

送蔡希曾都尉還隴右因寄高三十五書記

蔡子勇成癖彎弓西射胡健兒寧鬪死壯士恥爲儒官是先  
鋒得村緣挑戰須身輕一鳥過槍急萬人呼雲幕隨開府春



城赴上都馬頭金匱匣駝背錦模糊咫尺雲山路歸飛青海  
隅上公猶寵錫突將且前驅漢使黃河遠涼州白麥枯因君  
問消息好在阮元瑜

遣興

驥子好男兒前年學語時問知人客姓誦得老夫詩世亂憐  
渠小家貧仰母慈鹿門攜不遂雁足繫難期天地軍麾滿山  
河戰角悲倘歸免相失見日敢辭遲

奉送郭中丞兼太僕卿充隴右節度使三十韻

郭英父

詔發山西將秋屯隴右兵淒涼餘部曲燁赫舊家聲

英父父知運都

督隴右威震西陲

鵬鶚乘時去驂騑顧主鳴艱難須上策容易即前

程斜日當軒蓋高風捲旆旌松悲天水冷沙亂雪山清和虜



猶懷惠防邊詎敢驚古來於異域鎮靜示專征燕薊奔封豕  
周秦觸駭鯨中原何慘黷餘孽尙縱橫箭入昭陽殿笳吹細  
柳營內人紅袖泣王子白衣行宸極妖星動園陵殺氣平空  
餘金枕出無復總帷輕毀廟天飛雨焚官火徹明罌恩朝共  
落榆枿夜同傾三月師逾整羣胡勢就烹瘡痍親接戰勇決  
冠垂成妙譽期元宰殊恩且列卿幾時迴節鉞戮力埽欃槍  
圭竇三千士雲梯七十城恥非齊說客祇似魯諸生通籍微  
班忝周行獨坐榮隨肩趨漏刻短髮寄簪纓徑欲依劉表還  
疑厭禰衡漸衰那此別忍淚獨含情廢邑狐狸語空邨虎豹  
爭人頻墜塗炭公豈忘精誠元帥調新律前軍壓舊京安邊  
仍扈從莫作後功名



行次昭陵

舊俗疲庸主羣雄問獨夫  
識歸龍鳳質威定虎狼都  
天屬尊堯典神功協禹謨  
風雲隨絕足日月繼高衢  
文物多師古朝廷半老儒  
直詞寧戮辱賢路不崎嶇  
往者災猶降蒼生喘未蘇  
指麾安率土盪滌撫洪鑪  
壯士悲陵邑幽人拜鼎湖  
玉衣晨自舉石馬汗常趨  
松柏瞻虛殿塵沙立暝途  
寂寥開國日流恨滿山隅

重經昭陵

草昧英雄起謳歌厯數歸  
風塵三尺劒社稷一戎衣  
翼亮貞文德丕承戢武威  
聖圖天廣大宗祀日光輝  
陵寢盤空曲熊羆守翠微  
再窺松柏路還見五雲飛



喜聞官軍已臨賊境二十韻

胡虜潛京縣官軍擁賊壕鼎魚猶假息穴蟻欲何逃帳殿羅

元冕轅門照白袍秦山當警蹕漢苑入旌旄路失羊腸險雲

橫雉尾高五原

畢白鹿少陵高陽細柳

空壁壘八水

灞滻涇渭

散風濤

今日看天意遊魂貸爾曹乞降那更得尙詐莫徒勞元帥歸

龍種司空

郭子儀

握豹韜前軍

李嗣業

蘇武節左將

僕固懷恩

呂虔刀

兵氣回飛鳥威聲沒巨鼇戈鋌開雪色弓矢向秋毫天步艱

方盡時和運更遭誰云遺毒螫已是沃腥臊睿想丹墀近神

行羽衛牢花門騰絕漠拓羯

西域呼勇健者爲拓羯

渡臨洮此輩感恩

至羸俘何足操鋒先衣染血騎突劒吹毛喜覺都城動悲憐

子女號家家賣釵釧只待獻春醪



寄岳州賈司馬六丈巴州嚴八使君兩閣老五十韻

衡岳啼猿裏巴州鳥道邊故人俱不利謫宦兩悠然開闢乾  
坤正榮枯雨露偏長沙才子遠釣瀨客星懸憶昨趨行殿殷  
憂捧御筵討胡愁李廣奉使待張騫無復雲臺仗虛修水戰  
船蒼茫城七十流落劒三千畫角吹秦晉旄頭俯澗瀍小儒  
輕董卓有識笑符堅浪作禽填海那將血射天萬方思助順  
一鼓氣無前陰散陳倉北晴熏太白巔亂麻屍積衛破竹勢  
臨燕法駕還雙闕王師下八川此時霑奉引佳氣拂周旋貔  
虎開金甲麒麟受玉鞭侍臣諳入仗廐馬解登仙花動朱樓  
雪城凝碧樹煙衣冠心慘愴故老淚潺湲哭廟悲風急朝正  
霽景鮮月分梁漢米春給水衡錢內蘂繁於纈宮紗軟勝綿



恩榮同拜手出入最隨肩晚著華堂醉寒重繡被眠轡齊兼  
秉燭書枉滿懷賤每覺升元輔深期列大賢秉鈞方咫尺鍛  
副再聯翩禁掖朋從改微班性命全青蒲甘受戮白髮竟誰  
憐弟子貧原憲諸生老服虔師資謙未達鄉黨敬何先舊好  
腸堪斷新愁眼欲穿翠乾危棧竹紅膩小湖蓮賈筆論孤憤  
嚴詩賦幾篇定知深意苦莫使眾人傳貝錦無停織朱絲有  
斷絃浦鷗防碎首霜鶻不空拳地僻昏炎瘴山稠隘石泉且  
將基度日應用酒爲年典郡終微眇治中日棄捐安排求傲  
吏比興展歸田去去才難得蒼蒼理又元古人稱逝矣吾道  
卜終焉隴外翻投迹漁陽復控弦笑爲妻子累甘與歲時遷  
親故行稀少兵戈動接聯他鄉饒夢寐失侶自屯遭多病加



淹泊長吟阻靜便如公盡雄俊志在必騰騫

寄李十二白二十韻

昔年有狂客號爾謫仙人筆落驚風雨詩成泣鬼神聲名從此大汨沒一朝伸文彩承殊渥流傳必絕倫龍舟移權晚獸錦奪袍新白日來深殿青雲滿後塵乞歸優詔許遇我宿心親未負幽棲志兼全寵辱身劇談憐野逸嗜酒見天真醉舞梁園夜行歌泗水春才高心不展道屈善爲鄰處士禰衡俊諸生原憲貧稻粱求未足薏苡謗何頻五嶺炎蒸地三危放逐臣幾年遭鵬鳥獨泣向麒麟蘇武原還漢黃公豈事秦楚筵辭醴日梁獄上書辰已用當時法誰將此義陳老吟秋月下病起暮江濱莫怪恩波隔乘槎與問津



奉送嚴公入朝十韻

鼎湖

時因二聖山陵召嚴武爲橋道使

瞻望遠象闕憲章新四海猶多難中

原憶舊臣與時安反側自昔有經綸感激張天步從容靜塞

塵南圖迴羽翮北極捧星辰漏鼓還思晝宮鶯罷囀春空畱

玉帳術

李靖有玉帳經一卷

愁殺錦城人閣道通丹地江潭隱白蘋此

生那老蜀不死會歸秦公若登台輔臨危莫愛身

陪章畱後侍御宴南樓

得風字

絕域長夏晚茲樓清宴同朝廷燒棧北鼓角漏天

樊道有大小漏天

東屢食將軍第仍騎御史驄本無丹竈術那免白頭翁寇盜

狂歌外形骸痛飲中野雲低渡水簷雨細隨風出號江城黑

題詩蠟炬紅此身醒復醉不擬哭途窮



送陵州路使君赴任

王室比多難高官皆武臣  
幽燕通使者岳牧用詞人  
國待賢良急君當拔擢新  
佩刀成氣象行蓋出風塵  
戰伐乾坤破瘡痍府庫貧  
眾僚宜潔白萬役但平均  
霄漢瞻佳士泥途任此身  
秋天正搖落迴首大江濱

傷春五首

天下兵雖滿春光日自濃  
西京疲百戰北闕任羣兇  
關塞三千里煙花一萬重  
蒙塵清路急御宿且誰供

廣德元年吐蕃陷京師代宗幸

華州百官奔散無復供擬

殷復前王道周遷舊國容蓬萊足雲氣應合總

從龍

鷲入新年語花開滿故枝  
天青風捲幔草碧水通池  
牢落官



軍遠蕭條萬事危  
鬢毛元白白淚點  
向來垂不是無兄弟  
其如有別離  
巴山春色靜  
北望轉逶迤

日月還相鬪  
星辰屢合圍  
不成誅執法

指程元振輩

焉得變危機

大角纏兵氣  
鉤陳出帝畿  
煙塵昏御道  
耆舊把天衣  
行在諸軍闕  
來朝大將稀  
賢多隱屠釣  
王肯載同歸

再有朝廷亂  
難知消息真  
近傳王在洛  
復道使歸秦  
奪馬悲公主  
登車泣貴嬪  
蕭關迷北上  
滄海欲東巡  
敢料安危體  
猶多老大臣  
豈無嵇紹血  
霑灑屬車塵

聞說初東幸  
孤兒卻走多  
難分太倉粟  
競棄魯陽戈  
胡虜登前殿  
王公出御河  
得無中夜舞  
誰憶大風歌  
春色生烽燧  
幽人泣薜蘿  
君臣重修德  
猶足見時和



王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤良會不  
復久此生何太勞窮愁但有骨羣盜尙如毛吾舅惜分手使  
君寒贈袍沙頭暮黃鵠失侶亦哀號

春歸

苔徑臨江竹茅簷覆地花別來頻甲子歸到又春華倚仗看  
孤石傾壺就淺沙遠鷗浮水靜輕燕受風斜世路雖多梗吾  
生亦有涯此身醒復醉乘興卽爲家

奉觀嚴鄭公廳事岷山沱江畫圖十韻

得忘字

沱水臨中座岷山到北堂白波吹粉壁青嶂插雕梁直訝松  
杉冷兼疑菱荇香雪雲虛點綴沙草得微茫嶺雁隨毫末川



言書山房集卷二十三  
一  
蜺飲練光霏紅洲蘂亂拂黛石蘿長谷暗非關雨楓丹不爲  
霜秋城元圃外景物洞庭旁繪事功殊絕幽襟興激昂從來  
謝太傅邱壑道難忘

謁先主廟

慘淡風雲會乘時各有人力侔分社稷志屈偃經綸復漢畱  
長策中原仗老臣雜耕心未已歐血事酸辛霸業西南歇雄  
圖厯數屯錦江元過楚劒閣復通秦舊俗存祠廟空山泣鬼  
神虛簷交鳥道枯木半龍鱗竹送青溪月苔移玉座春閭閻  
兒女換歌舞歲時新絕域歸舟遠荒城繫馬頻如何對搖落  
况乃久風塵勢與關張並功臨耿鄧親應天才不小得士契  
無鄰遲暮堪帷幄飄零且釣緡向來憂國淚寂寞灑衣巾



偶題

文章千古事得失寸心知作者皆殊列名聲豈浪垂騷人嗟  
不見漢道盛於斯前輩飛騰入餘波綺麗爲後賢兼舊制歷  
代各清規法自儒家有心從弱歲疲永懷江左逸多謝鄴中  
奇駉驥皆良馬麒麟帶好兒車輪徒已斲堂構惜仍虧漫作  
潛夫論虛傳幼婦詞緣情慰漂蕩抱疾屢遷移經濟慙長策  
飛棲假一枝塵沙傍蜂蠆江峽繞蛟螭蕭瑟唐虞遠聯翩楚  
漢危聖朝兼盜賊異俗更喧卑鬱鬱星辰劒蒼蒼雲雨池兩  
都開幕府萬寓插軍麾南海殘銅柱東風避月支音書恨烏  
鵲號怒怪熊羆稼穡分詩興柴荆學土宜故山迷白閣秋水  
隱黃陂不敢要佳句愁來賦別離



秋日夔府詠懷奉寄鄭監

審

李賓客

之芳

一百韻

絕塞烏蠻北孤城白帝邊飄零仍百里消渴已三年雄劍鳴  
開匣羣書滿繫船亂離心不展衰謝日蕭然筋力妻孥問菁  
華歲月遷登臨多物色陶冶賴詩篇峽束滄江起巖排古樹  
圓拂雲霾楚氣朝海蹴吳天煮井爲鹽速燒畬楚俗燒榛種田曰畬度  
地偏有時驚疊嶂何處覓平川鷗鷖雙雙舞獼猿纍纍懸碧  
羅長似帶錦石小如錢春草何曾歇寒花亦可憐獵人吹戍  
火野店引山泉喚起搔頭急扶行幾屐穿兩京猶薄產四海  
絕隨肩幕府初交辟郎官幸備員瓜時猶旅寓萍泛苦蜚緣  
藥餌虛狼籍秋風灑靜便開襟驅瘴癘明目掃雲煙高宴諸  
侯禮佳人上客前哀箏傷老大華屋豔神仙南內開元曲常



時弟子傳法歌聲變轉滿座涕潺湲

原注都督柏中丞筵間梨園弟子李仙奴歌

弔影夔州僻回腸杜曲煎卽今龍廡水莫帶犬戎羶

原注西京龍廡

門苑馬門也渭水流苑馬門內

耿賈扶王室蕭曹拱御筵乘威滅蜂蠆戮力

効鷹鷂舊物森猶在凶徒惡未悛國須行戰伐人憶止戈鋌

奴僕何知禮恩榮錯與權胡星一彗孛黔首遂拘攣哀痛絲

綸切煩苛法令蠲業成陳始王兆喜出于畋

謂代宗踐位

宮禁經

綸密台階翊戴全熊羆載呂望鴻雁美周宣側聽中興主長

吟不世賢音徽一柱數道里下牢千鄭李光時論文章並我

先陰何尙清省沈宋歟聯翩律比崑崙竹音知燥濕弦風流

俱善價愜當久忘筌置驛常如此登龍蓋有焉雖云隔禮數

不敢墜周旋高視收人表虛心味道元馬來皆汗血鶴唳必



青田羽翼商山起蓬萊漢閣連管寧紗帽淨江令錦袍鮮東

郡

夷陵在夔州東

時題壁南湖

江陵有湖亭

日扣舷遠遊凌絕境佳句染

華賤每欲孤飛去徒爲百慮牽生涯已寥落國步乃迍邐衾

枕成蕪沒池塘作棄捐

原注平生多病卜築遣懷

別離憂怛怛伏臘涕漣

漣露菊斑豐鎬秋蔬影澗瀍共誰論昔事幾處有新阡富貴

空回首喧爭嬾著鞭兵戈塵漠漠江漢月娟娟局促看秋燕

蕭疏聽晚蟬雕蟲蒙記憶烹鯉問沈綿卜羨君平杖屨存子

敬擅囊虛把釵釧米盡拆花鈿甘子陰涼葉茅齋八九椽陣

圖沙北岸市暨

原注峽人目市井處曰市暨

灤西巔羈絆心常折棲遲病

卽痊紫收岷嶺芋白種陸池蓮色好梨勝頰穰多栗過拳救

廚惟一味求飽或三鱸兒去看魚笥人來坐馬羈縛柴門窄



窄通竹溜涓涓塹抵公畦稜

原注京師農人指田遠近多云幾稜稜音去聲

村依野

廟墻缺籬將棘拒倒石賴藤纏借問頻朝謁何如穩醉眠誰

云行不逮自覺坐能堅霧雨銀章澀馨香粉署妍紫鸞無近

遠黃雀任翩翾困學違從眾明公各勉旃聲華夾宸極早晚

到星纏懇諫畱匡鼎諸儒引服虔不逢輸鯁直會是正陶甄

宵旰憂虞軫黎元疾苦駢雲臺終日畫青簡爲誰編行路難

何有招尋興已專由來具飛檄暫擬控鳴弦身許雙峰寺

新州

雙峯山有東山寺曹溪寶林寺後亦有雙峯

門求七祖禪

禪門南能北秀分列二宗弟子各立其師爲六

祖北宗遂立秀之弟子普寂爲七祖能後無聞焉甫歸心南宗故曰身許雙峯欲求七祖也

落帆追宿昔

衣褐向真詮安石名高晉

原注鄭高簡得謝太傅之風

昭王客赴燕

原注李宗

親有燕昭之美燕周之裔

途中非阮籍查上似張騫披拂雲寧在淹畱景



不延風期終破浪水怪莫飛涎他日辭神女傷春怯杜鵑淡

交隨聚散澤國繞迴旋本自依迦葉天竺二十何曾藉倭倭

倭倭食松實體生毛鑪峯生轉盼橘井尚高寒東走窮歸鳥

南征盡跼鵞晚聞多妙教卒踐塞前愆顧凱丹青列頭陀琬

琰鐫王少頭陀寺眾香深黯黯幾地佛家有十地肅芊芊勇猛為

心極清羸任體孱金篦空刮眼鏡象未離詮

夔府書懷四十韻

昔罷西河尉初興薊北師不才名位晚敢恨省郎遲扈從崆

峒日端居灩澦時萍流仍汲引樗散尚恩慈遂阻雲臺宿常

懷湛露詩翠華森遠矣白首颯淒其拙被林泉滯生逢酒賦

鄒陽為酒賦欺文園終寂寞漢閣自磷緇病隔君臣議慚紆德澤



私揚鑢驚主辱拔劒撥年衰社稷經綸地風雲際會期血流

紛在眼涕灑亂交頤四瀆樓船泛中原鼓角悲賊壕連白翟

戰瓦落丹墀先帝嚴靈寢肅宗收京哭廟宗臣切受遣郭子儀受遣詔委以河東

軍事恆山猶突騎遼海競張旗田父嗟膠漆用以行人避蒺藜

總戎存大體降將飾卑詞楚貢何年絕堯封舊俗疑長吁翻

北寇安史餘黨一望卷西夷謂吐蕃不必陪元圃超然待具茨凶兵

鑄農器講殿闢書帷廟算高難測天憂實在茲形容真潦倒

答效莫支持使者分王命羣公各典司恐乖均賦斂不似問

瘡痍萬里煩供給孤城最怨思綠林寧小患雲夢欲難追卽

事須嘗膽蒼生可察眉郗雄能察盜于眉睫之間見列子議堂猶集鳳正觀

是元龜處處喧飛檄家家急競錐蕭車漢使蕭育乘三公車按南郡盜賊安



不定蜀使下何之釣瀨疏墳籍耕巖進奕棊地蒸餘破扇冬

暖更纖絺豺遘哀登楚

王粲七哀詩豺虎方構患又登荊州城樓作賦故曰登楚麟傷泣

象尼衣冠迭適越藻繪憶遊睢

襄邑南有睢渙二水能出文章陳琳書遊睢渙者學藻繪

之采賞月延秋桂傾陽逐露葵大庭終反樸京觀且僵尸高枕  
虛眠晝哀歌欲和誰南宮載勳業凡百慎交綏

柳司馬至

有使歸三峽相過問兩京函關猶出將渭水更屯兵設備邯

鄆道和親邏些城

吐蕃國都幽燕唯鳥去商洛少人行衰謝身何

補蕭條病轉嬰霜天到宮闕戀主寸心明

大厯三年春白帝城放船出瞿塘峽久居夔府將適江

陵漂泊有詩凡四十韻



老向巴人裏今辭楚塞隅入舟翻不樂解纜獨長吁窄轉深

啼狖虛隨亂浴鳧石苔凌几杖空翠撲肌膚疊壁排霜劒奔

泉濺水珠杳冥藤上下濃澹樹榮枯神女峰娟妙昭君宅有

無曲畱明怨惜夢盡失歡娛擺闔盤渦沸欹斜激浪輸風雷

纏地脈冰雪耀天衢鹿角真趨險狼頭

原注鹿角狼頭皆灘名

似跋胡

惡灘寧變色高臥負微軀書史全傾撓裝囊半壓濡生涯臨

臬兀死地脫斯須不有平川決焉知眾壑趨乾坤霾漲海雨

露洗春蕪鷗鳥牽絲颺龍濯錦紆落霞沈綠綺殘月壤金

樞泥筍苞初荻沙茸出小蒲雁兒爭水馬

山海經諸昆之水  
中多水馬即江賦

駢馬也

燕子逐檣烏絕島容煙霧環洲納曉晡前聞辨陶牧

登樓

賦北彌陶牧陶鄉名郭外爲牧

轉盼拂宜都縣郭南畿好

原注路入松滋縣

津亭北



望孤勞心依憩息朗詠劃昭蘇意遣樂還笑衰迷賢與愚飄  
蕭將素髮汨沒聽洪鑪邱壑曾忘返文章敢自誣此生遭聖  
代誰分哭窮途臥疾淹爲客蒙恩早廁儒廷爭酬造化樸直  
乞江湖濫瀕險相迫滄浪深可逾浮名尋已已嬾計卻區區  
喜近天皇寺先披古畫圖

原注此寺有晉右軍書張僧繇  
畫孔子洎顏子十哲之形像應

經帝子渚同泣舜蒼梧朝士兼戎服君王按湛盧旄頭初倣  
擾鶉首麗泥塗甲卒身雖貴書生道固殊出塵皆野鶴厯塊  
匪轅駒伊呂終難降韓彭不易呼五雲高太甲

太甲疑六甲  
一星之名

六月曠搏扶回首黎元病爭權將帥誅山林託疲榮未必免

崎嶇

暮春江陵送馬大卿公恩命追赴闕下



自古求忠孝名家信有之吾賢富才術此道未磷緇玉府標  
孤映霜蹄去不疑激揚音韻徹籍甚眾多推潘陸應同調孫  
吳亦異時北辰徵事業南紀赴恩私卿月升金掌王春度玉  
墀薰風行應律湛露卽歌詩天意高難問人情老易悲尊前  
江漢闊後會且深期

舟出江陵南浦奉寄鄭少尹審

更欲投何處飄然去此都形骸元土木舟楫復江湖社稷纏  
妖氣干戈送老儒百年同棄物萬國盡窮途雨洗平沙靜天  
街闊岸紆鳴蜚隨泛梗別燕赴秋菰棲託難高臥饑寒迫向  
隅寂寥相煦沫浩蕩報恩珠溟漲鯨波動衡陽雁影徂南征  
問懸榻東逝想乘桴濫竊商歌聽時憂卞泣誅經過憶鄭譯



言雪山房唐詩卷二十三  
二  
斟酌旅情孤

千秋節有感

八月二日爲明皇千秋節

自罷千秋節頻傷八月來先朝常宴會壯觀已塵埃鳳紀編  
生日龍池塹劫灰湘川新涕淚秦樹遠樓臺寶鏡羣臣得金  
吾萬國迴衢尊不重飲白首獨餘哀

送魏二十四司直充嶺南掌選崔郎中判官兼寄韋韶

州

嶺南交黔等州得任士人以郎中御史充使選補謂之南選

選曹分五嶺使者歷三湘才美膺推薦君行佐紀綱佳聲斯  
共遠雅節在周防明白山濤鑒嫌疑陸賈裝故人湖外少春  
日嶺南長憑報韶州牧新詩昨寄將

讀雪山房唐詩卷二十三終



讀雪山房唐詩卷二十四 小傳二 目錄一 詩十五

詩人小傳 二十一

閻濟美

大厯十年進士第元和初刺華州貞元末厯福建觀察使終工部尙書今鈔五排一首

常 袞

京兆人天寶末舉進士厯太子正字寶應二年爲翰林學士考功員外郎中知制誥文章俊拔當時推重永泰元年遷中書舍人累上章陳西北利害代宗甚顧遇之加集賢院學士大厯初拜門下侍郎同平章事與楊綰並掌機務後出爲福建觀察使集十卷今鈔五排一首

元友讓

元結子見永州志按元結集載長子友直次子友



言部山房集卷三  
正此蓋其幼子也今鈔五排一首

吉中孚

鄱陽人大厯十才子之一始爲道士後官校書郎

登宏辭興元中厯翰林學士戶部侍郎詩一首

竇蒙

字子全肅宗時試國子司業兼太原令詩一首

裴度

字中立河東聞喜人貞元中擢第授河陰縣尉遷

監察御史出爲河南府功曹遷起居舍人憲宗元

和六年以司封員外郎知制誥尋轉本司郎中使

魏州還拜中書舍人改御史中丞尋兼刑部侍郎

十六年拜門下侍郎同中書門下平章事于時討

蔡度請身自督戰詔以度充淮西宣慰招討處置

使蔡平封晉國公復知政事爲皇甫鎛所構出爲



太原尹北都畱守河東節度使穆宗長慶元年河朔復亂詔度以本官充鎮州四面行營招討使元稹拜平章事罷度兵權充東都畱守尋以守司徒同平章事復知政事李逢吉沮之出爲山南西道節度使敬宗寶厯元年度入覲京師帝禮遇隆厚數日宣制復知政事文宗立加門下侍郎集賢殿大學士進階特進以病懇辭機務詔加守司徒兼侍中充山南東道節度等使太和八年以本官判東都尙書省事充東都畱守進位中書令尋復兼太原尹北都畱守河東節度使度固辭不允至鎮病甚乞還東都養病詔許還京卒贈太傅度狀貌



詩式三首

詩一首 詩一首 詩一首 詩一首

詩一首 詩一首 詩一首 詩一首

詩一首 詩一首 詩一首 詩一首

詩一首 詩一首 詩一首 詩一首

詩一首 詩一首 詩一首 詩一首

詩一首 詩一首 詩一首 詩一首

詩一首 詩一首 詩一首 詩一首

詩一首



讀雪山房唐詩卷二十四

五排三

送鄭說之歙州謁薛侍郎

劉長卿

漂泊來千里，謳謠滿百城。  
漢家尊太守，魯國重諸生。  
俗變人難理，江傳水至清。  
船經危石住，路入亂山行。  
老得滄洲趣，春傷白首情。  
嘗聞馬南郡，門下有康成。

酬滁州李十六使君見贈

李公與予俱於陽羨山中新營別墅以其同志因有此作

滿鏡悲華髮，空山寄此身。  
白雲家自有，黃卷業長貧。  
嬾任垂竿老，狂同釀黍春。  
桃花迷聖代，桂樹狎幽人。  
幢蓋方臨郡，柴荆忝作鄰。  
但愁千騎至，石路卻生塵。

行營酬李侍御時尙書問罪襄陽軍次漢東境上侍御



以州隣賊寇復有水火迫於征稅詩以見諭

不敢淮南臥來趨漢將營受辭瞻左鉞扶疾往前旌并稅鶉  
衣樂壺漿鶴髮迎水歸餘斷岸烽至掩孤城晚日歸千騎秋  
風合五兵孔璋才素健早晚檄書成

自道林寺西入石路至麓山寺過法崇禪師故居

山僧候谷口石路拂莓苔深入泉源去遙從樹杪回香隨青  
靄散鐘過白雲來野雪空齋掩山風古殿開桂寒知自發松  
老問誰栽惆悵湘江水何人更渡杯

送荀八過山陰舊縣兼寄剡中諸官

訪舊山陰縣扁舟到海崖故林嗟滿歲春草憶佳期晚景千  
峯亂晴江一鳥遲桂香畱客處楓暗泊舟時舊石曹娥篆空



山夏禹祠剡溪多隱吏君去道相思

會稽王處士草堂壁畫衡霍諸山

粉壁衡霍近羣峯如可攀能令堂上客見盡湖南山青翠數  
千仞飛來方丈間歸雲無處滅去鳥何時還勝事日相對主  
人常獨閑稍看林壑晚佳氣生重關

別陳畱諸官

戀此東道主能令西上遲徘徊暮郊別惆悵秋風時上國邈  
千里夷門難再期行人望落日歸馬嘶空陂不愧寶刀贈維  
懷瓊樹枝音塵倘未接夢寐徒相思

負謫後登餘干越亭作

天南愁望絕亭上柳條新落日獨歸鳥孤舟何處人生涯投



言言山房集卷三十四  
二  
越徼世業陷胡塵杳杳鍾陵暮悠悠鄱水春秦臺悲白首楚  
澤怨青蘋草色迷征路鶯聲傍逐臣獨醒空取笑直道不容  
身得罪風霜苦全生天地仁青山數行淚滄海一窮鱗牢落  
機心盡惟憐鷗鳥親

初貶南巴至鄱陽題李嘉祐江亭

巴嶠南行遠長江萬里隨不才甘謫去流水亦何之地遠明  
君棄天高酷吏欺青山獨往路芳草未歸時流落還相見悲  
懽話所思猜嫌傷薏苡愁暮向江籬柳色迎高塢荷衣照下  
帷水雲初起重暮鳥遠來遲白首看長劒滄洲寄釣絲沙鷗  
驚小吏湖月上高枝稚子能吳語新文怨楚辭憐君不得意  
川谷自逶迤



至德三年春正月時謬蒙差攝海鹽令聞王師收二京  
因書事寄上浙西節度李侍郎中丞行營五十韻

天上胡星孛人間反氣橫風塵生汗馬河洛縱長鯨本謂才  
非據誰知禍已萌食參將可待誅錯輒爲名萬里兵鋒接三  
時羽檄驚負恩殊鳥獸流毒遍黎氓朝市成蕪沒干戈起戰  
爭人心懸反覆天道暫虛盈略地侵中土傳烽到上京王師  
陷魑魅帝座逼欃槍渭水嘶胡馬秦山泣漢兵關原馳萬騎  
煙火亂千蔓鳳駕瞻西幸龍樓議北征自將行破竹誰學去  
吹笙白日重輪慶元穹再造榮鬼神潛釋忿夷狄遠輸誠海  
內戎衣卷關中賊壘平山川隨轉戰草木困橫行區宇神功  
立謳歌帝業成天迴萬象慶龍見五雲迎小苑春猶在長安



日更明星辰歸正位雷雨發殘生文物登前古簫韶下太清  
未央新柳色長樂舊鐘聲八使推邦彥中司案國程蒼生屬  
伊呂明主仗韓彭兇醜將除蔓姦豪已負荆世危看柱石時  
難識忠貞薄伐徵貔虎長驅擁旆旌吳山依重鎮江月帶行  
營金石懸詞律煙雲動筆精運籌初滅竈調鼎未和羹北虜  
傳初解東人望已傾池塘催謝客花木待春卿昔忝登龍首  
能傷困驥鳴艱難悲伏劒提握喜懸衡巴曲誰堪聽秦臺自  
有情遂令辭短褐仍欲請長纓久客田園廢初官印綬輕榛  
蕪上國路苔蘚北山楹嬾慢羞趨府馳驅憶退耕榴花無暇  
醉蓬髮帶愁縈地僻方言異身微俗慮并家憐雙鯉斷才媿  
小鮮烹滄海今猶滯青陽歲又更洲香生杜若谿煖戲鳩鵲



煙水宜春候關河值晚晴潮聲來萬井山色映孤城旅夢親  
喬木歸心亂早鶯倘無知己在今已訪蓬瀛

哭張員外繼

公及夫人相次沒於洪州

慟哭鍾陵下東流與別離二星來不返雙劍沒相隨獨繼先  
賢傳誰刊有道碑故園荒峴曲旅櫬寄天涯白簡曾連拜滄  
洲每共思撫孤憐齒稚歎逝顧身衰泉壤成終古雲山若在  
時秋風鄰笛發寒食寢門悲世難愁歸路家貧緩葬期舊賓  
傷未散夕臨咽常遲自此辭張邵何由見戴逵獨聞山吏部  
流涕訪孤兒

省試湘靈鼓瑟

錢起

善鼓雲和瑟常聞帝子靈馮夷空自舞楚客不堪聽苦調淒



金石清音入杳冥  
蒼梧來怨慕  
白芷動芳馨  
流水傳瀟瀟  
浦悲風過洞庭  
曲終人不見  
江上數峯青

題玉山村叟屋壁

谷口好泉石  
主人能陸沈  
牛羊下山小  
煙火隔雲深  
一逕入溪色  
數家連竹陰  
藏虹辭晚雨  
驚隼落殘禽  
涉趣皆流目  
將歸羨在林  
卻思黃綬事  
辜負紫芝心

送王諫議任東都居守

車徒鳳掖東  
去去洛陽宮  
暫以青蒲隔  
還看紫禁同  
經過乘雨露  
瀟灑出鴛鴻  
官署名臺下  
雲山舊苑中  
暮天雙闕靜  
秋月九重空  
且喜成周地  
詩人播國風

送鄭書記



決勝無遺策辭天便請纓出身惟殉死報國且能兵受命麒麟殿參謀驃騎營短簫催別酒斜日駐前旌義勇千夫敵風沙萬里行幾年丹闕下侯印錫書生

奉送劉相公江淮催轉運

國用資戎事臣勞爲主憂將徵任土貢更發濟川舟擁傳星還去過池鳳不畱唯高飲冰節稍淺別家愁落葉淮邊雨孤山海上秋遙知謝公興微月在江樓

山下別杜少府

把手意難盡前山日漸低情人那忍別夕鳥尙同棲寸晷戀言笑佳期欲阻睽離雲愁出岫去水咽分溪莊叟幾虛說楊朱空自迷傷心獨歸路秋草更萋萋



送王相公赴范陽

翊聖銜恩重頻年按節行安危皆報國文武不緣名受賑仍  
調鼎爲霖更洗兵幕開丞相閣旗總貳師營料敵知無戰安  
邊自有征代雲橫馬首燕雁拂笳聲去鎮關河靜歸看日月  
明欲知瞻戀切遲暮一書生

同鄔戴關中旅寓

文士皆求遇今人誰至公靈臺一寄宿楊柳再春風更惜忘  
形友頻年失志同羽毛齊燕雀心事阻鴛鴻畱滯慚歸養飛  
鳴恨觸籠橘懷鄉夢裏書去客愁中殘雪迷歸雁韶光棄斷  
蓬吞悲問唐舉何路出屯蒙

送外甥懷素上人歸鄉侍奉



釋子吾家寶神清慧有餘能翻梵王字妙盡伯英書遠鶴無  
前侶孤雲寄太虛狂來輕世界醉裏得真如飛錫離鄉久寧  
親喜臘初故池殘雪滿寒柳霽煙疏壽酒還嘗藥晨餐不薦  
魚遙知禪誦外健筆賦閒居

送鮑中丞赴太原軍營

年壯才仍美時來道易行寵兼三獨任威肅貳師營將略過  
南仲天心寄北京雲旂臨塞色龍笛出關聲漢月隨霜去邊  
塵計日清漸知王事好文武用書生

酬包評事壁畫山水見寄

皇甫冉

一官知所傲本意在雲泉濡翰生新興羣峯忽眼前黛中分  
遠近筆下起風煙巖翠深樵路湖光出釣船寒侵赤城頂日



照武陵川若攬名山誌仍聞招隱篇遂令江海客惆悵憶閑田

宿嚴維宅送包七

江湖同避地分手自依依盡室今爲客經秋空念歸歲儲無別墅寒服羨鄰機草色村橋晚蟬聲江樹稀夜涼宜共醉時難惜相違何事隨陽侶汀洲忽背飛

送歸中丞使新羅

詔使殊方遠朝儀舊典行浮天無盡處望日計前程暫喜孤山出長愁積水平野風飄疊鼓海雨濕危旌異俗知文教通儒有令名還將大戴禮方外授諸生

和袁郎中破賊後經剡中山水



武庫分帷幄儒衣事鼓鼙兵連越徼外寇盡海門西節比全  
疏勒功當雪會稽旌旗迴剡嶺士馬濯耶溪受律梅初發班  
師草未齊行看佩金印豈得訪丹梯

贈鄭山人

白首滄洲客陶然得此生龐公採藥去萊氏與妻行乍見還  
州里全非隱姓名枉帆臨海嶠貰酒秣陵城伐木吳山曉持  
竿越水清家人恣貧賤物外任衰榮忽爾辭林壑高歌至上  
京避喧心已慣念遠夢頻成石路寒花發江田臘雪明元纁  
倘有命何以遂躬耕

閒居作

多病辭官罷閒居作賦成圖書唯藥錄飲食止藜羹學謝淹



詩集山房集卷三  
七  
中術詩無鄴下名不堪趨建禮詎是厭承明已輟金門步方  
辭石路行遠山期道士高柳覓先生性嬾尤因疾家貧自省  
營種苗雖尙短穀價幸全輕篇詠投康樂壺觴就步兵何人  
肯相訪開戶一逢迎

代員將軍罷戰後歸舊里贈朔北故人  
司空曙

結髮事疆場全生到海鄉連雲防鐵嶺同日破漁陽牧馬胡  
天晚移居磧路長枕戈占古戍吹角立繁霜歸老勳仍在酬  
恩虜未亡獨行過邑里多病對農桑雄劍依塵橐陰符寄藥  
囊空餘麾下將猶逐羽林郎

奉送王相公縉赴幽州巡邊

韓翃

黃閣開帷幄丹墀侍冕旒位高湯左相權總漢諸侯不改周



南化仍分趙北憂  
雙旌過易水千騎入幽州  
塞草連天暮邊風動地秋  
無因隨遠道結束佩吳鉤

從軍行

盧綸

二十在邊城軍中得勇名  
卷旗收敗馬占磧擁殘兵  
覆陣鳥鳶起燒山草木明  
塞閑思較獵師老厭分營  
雪嶺無人跡冰河足鴈聲  
李陵甘此沒惆悵漢公卿

逢南中使因寄嶺外故人

見說南來處蒼梧接桂林  
過秋天更暖邊海日長陰  
巴路緣雲出蠻鄉入洞深信迴  
人自老夢到月應沈碧水通春色  
青山寄遠心炎方難久客爲爾一霑襟

送鮑中丞赴太原



分路引鳴騶喧喧似隴頭暫移西掖望全解北門憂專幕臨  
都護分曹制督郵積冰營不下盛雪獵方休白草連胡帳黃  
雲擁戍樓今朝送旌旆一減魯儒羞

晚到鰲屋耆老家

老翁曾舊識相引出柴門苦話別時事因尋溪上村數年何  
處客近日幾家存冒雨看禾黍逢人憶子孫亂藤穿井口流  
水到籬根惆悵不堪住空山月又昏

雪夜尋太白道士

李端

雪路夜朦朧尋師杏樹東石壇連竹靜醺火照山紅再拜開  
金籙焚香使玉童蓬瀛三島至天地一壺通別客曾畱藥逢  
舟或借風出遊居鶴上避禍入羊中過洞偏迴首登門未發



蒙桑田如可見滄海幾時空

送歸中丞使新羅冊立弔祭

李益

東望扶桑日何年是到時  
片帆通雨露積水隔華夷  
浩渺風來遠虛明鳥去遲  
長波靜雲月孤島宿旌旗  
別葉傳秋意迴潮動客思  
滄溟無舊路何處問前期

下第獻座主張謂

閻濟美

謬謬王臣直文明雅量全  
望鑪金自躍應物鏡何偏  
南國幽沈盡東堂禮樂宣  
轉令游藝士更惜至公年  
芳樹歡新景青雲泣暮天  
唯愁鳳池拜孤賤更誰憐

奉和聖製麟德殿宴百官應制

常袞

雲闕御筵張山呼聖壽長  
玉闌豐瑞草金陛立神羊  
台鼎資



詩集山房集卷二十四  
庖膳天星奉酒漿蠻夷陪作位犀象舞成行網已祛三面歌  
因守四方千秋不可極花發滿宮香

復遊浯溪

元友讓

昔到纔三歲今來髩已蒼剝苔看篆字薙草覓書堂引客登  
臺上呼兒埽樹旁石渠疏壅水門徑劬藁篁田地潛更主園  
林盡廢荒悲涼問耆舊疆界指垂楊

送歸中丞使新羅冊立弔祭

吉中孚

官稱漢獨坐身是魯諸生絕域通王制窮天向水程島中分  
萬象日處轉雙旌氣積魚龍窟濤翻鐃吹聲路長經歲去海  
盡向山行復道殊方禮人瞻漢使榮

送和西蕃使

皇甫曾



白簡初分命黃金已在腰  
恩華通外國徒御發中朝  
雨雪從邊起旌旗上隴遙  
暮天沙漠漠空磧馬蕭蕭  
寒路隨河水關城見柳條  
和我先罷戰知勝霍嫖姚

送李賓客荆南迎親

獨孤及

宗室劉中壘文場謝客兒  
當爲天北斗曾使海西陲  
毛節精誠著銅樓羽翼施  
還中供帳別言赴倚門期  
恩渥霑行李晨昏在路岐  
君親兩報遂不敢議傷離

春日過奉誠園

暢當

帝里陽和日遊人到御園  
暖催新景氣春認舊蘭蓀  
詠德先臣沒成蹊大樹存  
見桐猶近井看柳尙依門  
獻地非更宅遺忠永奉恩  
又期攀桂後來賞百花繁



奉送蔣尙書兼御史大夫東都畱守

耿 漳

副相威名重春卿禮樂崇錫珪仍拜下分命遂居東高旆翻  
秋日清鏡引細風蟬稀金谷樹草徧德陽宮教用儒門儉兵  
依武庫雄誰云千載後周召獨爲公

題弟臯述書賦後

竇 蒙

受命別家鄉思歸每斷腸季江畱被在子敬與琴亡吾弟當  
平昔才名荷寵光作詩通小雅獻賦掩長楊流轉三千里悲  
啼百萬行庭前紫荊樹何日再芬芳

酬韓愈侍郎登岳陽樓見贈

時予權知岳州事

竇 庠

巨浸連空闊危樓在杳冥稍分巴子國欲近老人星昏旦呈  
新候川原接舊經地圖封七澤天限鎖重局萬象皆歸掌三



光豈遁形月車纔碾浪日御已翻溟落照金成柱餘霞翠擁  
屏夜光疑漢曲寒韻辨湘靈山晚雲常碧湖春草徧青軒皇  
曾舉樂范蠡幾揚舲有客初畱鷁貪程尙數莫自當徐孺榻  
不是謝公亭雅論冰生水雄材刃發礪座中瓊玉潤名下芭  
蘭馨假手誠知拙齋心匪暫寧每慚公府栗卻憶故山苓苦  
調當三歎知音願一聽自悲由也瑟敢墜孔悭銘野杏初成  
雪松醪正滿瓶莫辭今日醉長恨古人醒

中書卽事

裴度

有意效承平無功答聖明灰心緣忍事霜鬢爲論兵道直身  
還在恩深命轉輕鹽梅非擬議葵藿是平生白日長懸照蒼  
蠅謾發聲高陽舊田里終使謝歸耕



言言山房集卷二十四  
二  
春日奉獻聖壽無疆詞十首

楊巨源

文物京華盛謳歌國步康瑤池供壽酒銀漢麗宸章靈雨含  
雙闕雷霆肅萬方代推山祚遠春共聖恩長鳳扆臨花暖龍  
鑪傍日香遙知千萬歲天意奉君王

鵷鷺彤庭際軒車綺陌前九城多好色萬井半祥煙人醉逢  
堯酒鶯歌答舜絃花明御溝水香暖禁城天賜宴文逾盛徵  
歌物更妍無窮豔陽月長照太平年

雲陞臨黃道天門在碧虛大明含睿藻元氣抱宸居戈偃征  
苗後詩傳宴鎬初年華富仙苑時哲滿公車化入細縕大恩  
垂渙汗餘悠然萬方靜風俗揖華胥

玉漏飄青瑣金鋪麗紫宸雲山九門曙天地一家春瑞靄方



呈賞暄風本配仁巖廊開鳳翼水殿壓黿身文雅逢明代歡  
娛及賤臣年年未央闕恩共物華新

垂拱乾坤正歡心品類同紫煙含北極元澤付東風珠綴畱  
晴景金莖直曉空發生資盛德交泰讓全功間氣登三事祥  
光啓四聰遐荒似川水天外亦朝宗

代是文明晝春當燕喜時鑪煙添柳重宮漏出花遲漢典方  
寬律周官正採詩碧霄傳鳳吹紅旭在龍旗造化膺神契陽  
和沃聖思無因隨百獸率舞奉丹墀

睿德符元化芳情翊太和日輪皇鑒遠天仗聖朝多曙色含  
金榜晴光轉玉珂中宮陳廣樂元老進賡歌蓮葉看龜上桐  
花識鳳過小臣空擊壤滄海是恩波



詩集山房集卷二十四  
三  
物象朝高殿簪裾溢上京春當九衢好天向萬方明樂報簫韶發杯看沆瀣生芙蓉丹闕暖楊柳玉樓晴閭闔開中禁衣袞儼太清南山同聖壽長對鳳皇城

日上蒼龍闕香含紫禁林晴光五雲疊春色九重深賞叶元和德文垂雅頌音景雲隨御輦顙氣在宸襟永保無疆壽長懷不戰心聖朝多慶賜瓊樹粉牆陰

化洽生成遂功宜動植知瑞凝三秀草春入萬年枝鳳掖嘉言進駕行喜氣隨仗臨丹地近衣對碧山垂渥澤方柔遠聰明本聽卑願同東觀士長對漢威儀

送鄭尙書權赴南海

韓愈

番禺軍府盛欲說暫停柝蓋海旂旛出連天觀閣開衙時龍



戶集上日馬人來風靜鷄鵠去官廉蚌蛤迴貨通師子國樂  
奏武王臺事事皆殊異無嫌屈大才

同劉二十八院長

禹錫

述舊言懷感時書事奉寄澧州張

員外使君

署

五十二韻之作因其韻增至八十通贈二

君子

劉禹錫初與公同爲監察御史故稱院長

柳宗元

弱歲遊元圃先容幸棄瑕名勞長者記文許後生誇鷄翼嘗

披隼蓬心類倚麻繼酬天祿署

署爲校書郎子厚時亦爲集賢殿正字

俱尉甸

侯家

署爲京兆武功尉子厚亦爲藍田尉

憲府初收迹

署至武功拜監察御史子厚亦自集賢殿正字

爲監察御史

丹墀共拜嘉分行參瑞獸傳點亂宮鴉執簡寧循枉

持書每去邪鸞凰標魏闕熊武負崇牙辨色宜相顧傾心自

不譁金鑪仄流月紫殿啓晨轍未竟遷喬樂俄成失路嗟

署貶



臨武也還如渡遼水更似謫長沙別怨秦城暮途窮越嶺斜訟

庭間枳棘候吏逐麋麋三載皇恩暢張自貞元十九年癸未貶官至元和元年乙酉

憲宗即位三年矣故云千年聖厯遐朝宗延駕海師役罷梁澹京邑搜

貞幹署自江陵掾入為京兆府司錄參軍南宮步渥注署自司錄遷尚書刑部員外郎世惟材

是梓人仰驥中驂歛刺苗人地仍逾贛石崖署自員外出禮為處州刺史禮

容垂琕琕戍備響鉅鉞頭鎧也音鴉瑕寵即郎官舊威從太守加建

旗翻鷺鳥負弩繞文蛇冊府榮三命中闈盛六珈肯隨胡質

矯方惡馬融奢褻德符新換自虔州遷澧州懷仁道併遮俗嫌龍節

晚朝訝介圭賒禹貢輸苞匭周官賦秉秣宅加切雄風吞七澤

異產控三巴即事觀農稼因時展物華秋原被蘭葉春渚漲

桃花令肅軍無擾程懸市禁蕢不應虞竭澤寧復歎棲苴蹠



躩騶先駕籠銅鼓報衙染毫東國素濡印錦溪砂貨積舟難

泊人歸山倍畚音餘吳歛工折柳楚舞舊傳芭隱几松爲曲傾

罇石作汙寒初榮橘柚夏首薦枇杷祀變荆巫禱風移魯婦

髻莊華切已聞施愷悌還覩正奇衰慕友慙連璧言姻喜附葭

沈埋全死地流落半生涯入郡腰恆折逢人手盡义敢辭親

恥汙唯恐長疵瘕善幻迷冰火齊諧笑柏塗音茶東門牛屢飯

中散蝨空爬逸戲看猿鬪殊音辨馬撾渚行狐作孽林宿鳥

爲嗟病也音嗟本作瘥同病憂能老新聲厲似姱豈知千仞墜祗爲

一毫差守道甘長絕明心欲自剄貯愁聽夜雨隔淚數殘葩

梟族音常聒豺羣喙競呀張口貌岸蘆翻毒蜚磈竹鬪狂摩摩牛

獸名重千觔野鷺行看弋江魚或共拟瘴氛恆積潤訛火亟

出巴中音麻



生煨

訛火野火也煨火氣

耳靜煩喧蟻魂驚怯怒蛙風枝散陳葉霜蔓

縊寒瓜霧密前山桂冰枯曲沼蓮思鄉比莊鳥遯世遇睦夸

漁舍茨荒草村橋臥古槎御寒衾用蜀挹水勺仍柳窗蠹惟

潛蝸蔓涎競綴蝸引泉開故竇護藥插新筴樹怪花因榦蟲

憐目待蝦驟歌喉易啞饒醉鼻成齖

音查

曳捶牽羸馬垂簑牧

艾豕已看能

奴來切

類鼈猶訝雉爲羈

羈鳥似雉音華

誰采中原菽徒

巾下澤車俚兒供苦筍傖父饋酸樗

樗似梨而酢音查

勸策扶危杖

邀持當酒茶道流徵短褐禪客會袈裟香飯春菰米珍蔬折

五笏方期飲甘露更欲吸流霞屋鼠從穿穴林狙任攫拏春

衫裁白紵朝帽挂烏紗屢歎恢恢網頻搖肅肅且衰榮因莫

莢盈缺幾蝦蟇墓路識溝邊柳城聞隴上笳共思捐佩處千騎



擁青綢

酬韶州裴曹長使君寄道州呂八大使因以見示二十

韻一首

并序

韶州幸以詩見及往復奇麗邈不可慕用韻尤爲高  
絕余因拾其餘韻酬焉凡爲韶州所用者置不取其  
聲律言數如之

金馬嘗齊入銅魚亦共頒疑山看積翠滇水想澄灣標榜同

驚俗清明雨照姦乘輅參孔僅

韶州常隨潘戶部出征賦

按節服侯獬

道州

昔使絕域漢書匈奴傳稽侯獬號呼韓邪單于

賈傅辭寧切虞童髮未髧

音班

秉心方

的的騰口任嘖嘖

音顏

聖理高懸象爰書降罰鍤德風流海外

和氣滿人寰禦魅恩猶貸思賢淚自潸在亡均寂寞零落間



惇鰥夙志隨憂盡殘肌觸瘡癢

五還切

月光搖淺瀨風韻碎枯

菅海俗衣猶卉山夷髻不鬟泥沙潛虺蜮榛莽鬪豺獍

音蠻循

省誠知懼安排祗自憫

音閑

食貧甘莽鹵被褐謝爛熳遠物裁

青罽時珍饌白鵝長捐楚客佩未賜大夫環異政徒云仰高蹤不可攀空勞慰顛顚妍唱劇妖嫵

酬婁秀才寓居開元寺早秋月下病中見寄

客有故園思瀟湘生夜愁病依居士室夢繞羽人邱味道憐知止遺名得自求壁空殘月曙門掩候蟲秋謬委雙金重難徵雜佩酬碧霄無枉路徒此助離憂

讀雪山房唐詩卷二十四終



讀雪山房唐詩卷二十五 目錄一 詩十七

五排目錄四

劉禹錫二首

白居易九首

元稹三首







讀雪山房唐詩卷二十五

五排

四

歷陽書事七十韻

并序

劉禹錫

長慶四年八月余自夔州轉歷陽浮岷山觀洞庭歷  
夏口涉潯陽而東友人崔敦詩罷丞相鎮宛陵緘書  
來招曰必我覲而之籓不十日飲不置子故余自池  
州道宛陵如其素敦詩出祖於敬亭祠下由姑孰西  
渡江乃吾圉也至則考圖經參見事爲之詩俟采風  
之夜諷者

一夕爲湖地千年列郡名霸王迷路處亞父所封城漢置東  
南尉梁分肘腋兵本吳風俗剽兼楚語音傖沸井今無湧鳥



言  
江舊有聲土臺遊柱史石室隱彭鏗

老君適楚有臺在焉  
彭鏗石室在含山縣

操祠猶在濡須塢未平海潮隨月大江水應春生憶昨深山  
裏終朝看火耕魚書來北闕鷁首下南荆雲雨巫山暗蕙蘭  
湘水清章華樹已失鄂渚草來迎廬阜香鑪出湓城粉堞明  
雁飛彭蠡暮鴉噪大雷晴平野分風使恬和趁夜程貴池登  
陸峻春穀渡橋鳴駱驛主人問悲歡故舊情幾年方一面卜  
晝便三更助喜杯盤盛忘機笑語旬管清疑警鶴絃巧似嬌  
鶯熾炭烘蹲獸華茵織鬪鯨回裾飄霧雨急節墮瓊英斂黛  
凝愁色施鈿耀翠晶容華本南國妝束學西京日落方收鼓  
天寒更炙笙促筵交履烏痛飲倒簪纓謔浪容優孟嬌憐許  
智瓊蔽明添翠帟命燭挂金莖坐久羅衣皺盃頻粉面驂興



來從請曲意墮卽飛觥令急重須改歡馮醉盡呈詰朝還選  
勝來日又尋盟道別慙懃惜邀筵次第爭唯聞嗟短景不復  
有餘醒眾散局朱戶相攜話素誠晤言猶疊疊殘漏自丁丁  
出祖千夫擁行廚五熟烹離亭臨野水別思入哀箏接境人  
情洽方冬饌具精中流爲界道隔岸數飛甍沙浦王渾鎮滄  
州謝朓城望夫人化石夢帝日環營半渡趨津吏緣隄簇郡  
甿場黃堆晚稻籬碧見冬菁里社爭來獻壺漿各自擎鴟夷  
傾底瀉敔杵鬪盤盛采石風傳柝新林暮擊鉦繭綸牽撥刺  
犀焰照澄泓露冕觀原野前驅抗旆旌分庭展賓主望闕拜  
恩榮比屋惇嫠輩連年水旱并遐思常後已下令必先庚遠  
岫低屏列支流曲帶縈湖魚香勝肉官酒重於餽憶昔泉源



變斯須地軸傾雞籠爲石顆龜眼入泥坑事繫人風重官從  
物論輕江春俄澹蕩樓月幾虧盈柳長千絲宛田塍一線紆  
遊魚將婢從野雉見媒驚波淨攢鳬鵲洲香發杜蘅一鍾菰  
葑米千里水葵羹受譴時方久分憂政未成比瓊雖碌碌於  
鐵尙錚錚早忝登三署曾聞奏六英無能甘負弩不慎在提  
衡口語成中遣毛衣阻上征時間關利鈍智亦有聾盲昔媿  
山東妙今慙海內兄後來登甲乙早已在蓬瀛心託秦明鏡  
才非楚白珩齒衰親藥物官薄傲公卿捧日皆元老宣風盡  
大彭好令朝集使結束赴新正

元和癸巳歲仲秋詔發江陵偏師問罪蠻徼後命宣慰  
釋兵歸降凱旋之日率爾成詠寄荆南嚴司空



蠻水阻朝宗兵符下渚宮前籌得上策無戰已成功漢使星  
飛入夷心草偃同歌謠開竹樓拜舞戢桑弓就日知兵釋投  
人念鳥窮網羅三面解章奏九門通卉服聯操袂雕題盡鞠  
躬降幡秋練白驛騎晝塵紅火號休傳警機橋罷亘空登山  
不見虜振旆自生風江遠煙波靜軍回氣色雄伫看聞喜後  
金石賜元戎

送客春遊嶺南

白居易

已訝游何遠仍嗟別太頻離容君蹙促贈語我殷勤迢遞天  
南面蒼茫海北濬訶陵國分界交趾郡爲鄰葑鬱三光晦溫  
暾四氣勻陰晴變寒暑昏曉錯星辰瘴地難爲老蠻陬不易  
馴土民稀白首洞主盡黃巾戰檻猶驚浪戎車未息塵紅旂



言言山房詩卷三  
三  
圍卉服紫綬裹文身麴苦桺榔製漿酸橄欖新牙檣迎海舶  
銅鼓賽江神不凍貪泉暖無霜毒草春雲煙蟒蛇氣刀劒鱗  
魚鱗路足羈棲客官多謫逐臣天黃生颶母雨黑長楓人迴  
使先傳語征軒早返輪須防杯裏蠱莫愛橐中珍北與南殊  
俗身將貨孰親嘗聞君子戒憂道不憂貧

送牛思黯出鎮揚州

北闕至東京風光十六程坐移丞相閣春入廣陵城紅旆擁  
雙節白鬚無一莖萬人開路看百吏立班迎閩外君彌重尊  
前我亦榮何須身自得將相是門生

代書詩一百韻寄微之

憶在貞元歲初登典校司身名同日授心事一言知  
貞元中與微之



同登科第俱授秘書  
省校書郎始相識也  
肺腑都無隔形骸  
兩不羈疏狂屬年少

閑散爲官卑分定金蘭契  
言通藥石規交賢  
方汲汲友直每

惻惻有月多同賞  
無杯不共持  
秋風拂琴匣夜雪卷書帷  
高

上慈恩塔幽尋王子陂  
唐昌玉蘂會崇敬  
牡丹期唐昌觀玉

牡丹花時多笑勸  
迂辛酒閒吟短李詩  
辛大立度性迂嗜酒

與微之有期李二十紳形短能詩

故當時有迂辛短李之號  
儒風愛敦質佛理賞元師  
劉三十二敦質雅有

賞者理有可  
度日曾無悶通宵  
靡不爲雙聲聯律句八面對宮基

雙聲聯句八面  
宮基皆當時事  
往往遊三省騰騰出九達  
寒銷直城路春到

曲江池樹暖枝條  
弱山晴彩翠奇  
峯攢石綠點柳宛麴塵絲

岸草煙鋪地園花雪壓枝  
早光紅照耀新溜碧  
逶迤幄幕侵



鈿耀水嬉風流誇墮髻時世鬪啼眉

貞元末城中復爲密坐墮馬髻啼眉妝也

隨歡促華尊逐勝移香飄歌袂動翠落舞釵遺籌插紅螺椀

觥飛白玉卮打嫌調笑易飲訝卷波遲

拋打曲有調笑令飲酒曲有卷白波殘

席諠譁散歸鞍酩酊騎酩酊顏烏帽側醉袖玉鞭垂紫陌傳鐘

鼓紅塵塞路岐幾時曾暫別何處不相隨荏苒星霜換迴環

節候催兩衙多請告三考欲成資運啓千年聖天成萬物宜

皆當少壯日同惜盛明時光景嗟虛擲雲霄竊暗窺攻文朝

矻矻講學夜孜孜策目穿如札

時與微之結集策略之目其數至百十

鋒毫銳

若錐

時與微之各有纖鋒細管筆攜以就試相顧輒笑目爲毫錐

繁張獲烏網堅守釣魚

坻

謂自冬至夏頻改試期竟與微之堅待制試也

並受夔龍薦齊陳鼉董詞萬言經

濟略三策太平基中第爭無敵專場戰不疲輔車排勝陣倚



角搴降旗

並謂同鋪席共筆研

雙闕紛容衛千條儼等衰

謂制舉人欲唱第之時也

恩隨紫泥降名向白麻披既在高科選還從好爵縻東垣君

諫諍西邑我馳驅

元和元年同登制科微之拜拾遺予授整屋尉

再喜登烏府多慙

侍赤墀

四年微之復拜監察予爲拾遺學士也

官班分內外遊處遂參差每列

鵷鸞序偏瞻獬豸姿簡威霜凜冽衣彩繡葳蕤正色摧強禦

剛腸嫉喔咻常憎持祿位不擬保妻兒養勇期除惡輸忠在

滅私下鞫驚燕雀當道懾狐狸南國人無怨東臺吏不欺

微之

使東川奏冤八十餘家詔從而平之分司東都

理冤多定國切諫甚辛毗造次行於

是平生志在茲道將心共直言與行兼危水暗波翻覆山藏

路險巖未爲明主識已被倖臣疑木秀遭風折蘭芳遇霰萎

千鈞勢易壓一柱力難搢騰口因成瘡吹毛遂得疵憂來吟



貝錦謫去詠江離邂逅塵中遇殷勤馬上辭賈生離魏闕王

粲向荆夷水過清源寺山經綺季祠心搖漢臯佩淚墮峴亭

碑並途所經驛路緣雲際城樓枕水湄思鄉多繞澤望闕獨

登陴林晚青蕭索江平綠渺瀰野秋鳴蟋蟀沙冷聚鸕鷀官

舍黃茅屋人家苦竹籬白醪充夜酌紅粟備晨炊寡鶴推風

翻鰓魚失水鬻閭雛啼渴旦涼葉墜相思此四句兼含微一之鰓居之思

點寒鐙滅三聲曉角吹藍衫經雨故驄馬臥霜羸念涸誰濡

沫嫌醒自歎醺耳垂無伯樂舌在有張儀負氣衝星劍傾心

向日葵金言自銷鑠玉性肯磷礪伸屈須看蠖窮通莫問龜

定知身是患應用道爲醫想子今如彼嗟予獨在斯無繆當

歲杪有夢到天涯坐阻連襟帶行乖接履綦澗銷衣上霧香



散室中芝念遠緣遷貶驚時爲別離素書三往復明月七盈

虧

自與微之別經七月三度得書

舊里非難到餘歡不可追樹依興善老草

傍靜安衰

微之宅在靜安坊西近興善寺

前事思如昨中懷寫向誰北村尋

古柏南宅訪辛夷

開元觀西北卽隋時龍村佛堂有古柏一株至今有焉微之宅中有辛夷兩樹常與

微之遊息其下

此日空搔首何人共解頤病多知夜永年長覺秋悲

不飲長如醉加餐亦似饑狂吟一千字因使寄微之

渭村退居寄禮部崔侍郎翰林錢舍人詩一百韻

聖代元和歲閒居渭水陽不才甘命舛多幸遇時康朝野分  
倫序賢愚定否臧重文疏卜式尙少棄馮唐由是推天運從  
茲樂性場籠禽放高翥霧豹得深藏世慮休相擾身謀且自  
強猶須務衣食未免事農桑薙草通三徑開田占一坊晝扉



局白版夜碓埽黃梁隙地治場圃閒時糞土疆枳籬編刺夾  
籬壟擘科秧穡力嫌身病農心願歲穰朝衣典杯酒佩劒博  
牛羊困倚栽松錘饑提采蕨筐引泉來後澗移竹下前岡生  
計雖勤苦家資甚渺茫塵埃常滿甌錢帛少盈囊弟病仍扶  
杖妻愁不出房傳衣念縑縷舉案笑糟糠犬吠村胥鬧蟬鳴  
織婦忙納租看縣帖輸粟問軍倉夕歇攀村樹秋行繞野塘  
雲容陰慘澹月色冷悠揚蕎麥鋪花白棠梨間葉黃早寒風  
撼撼新霽月蒼蒼園菜迎霜死庭蕪過雨荒檐空愁宿燕壁  
闇思啼螳眼爲看書損肱因運甓傷病骸渾似木老鬢欲成  
霜少睡知年長端憂覺夜長舊遊多廢忘往事偶思量忽憶  
煙霄路常陪劒履行登朝思檢束入閣學趨蹌命偶風雲會



恩覃雨露霽霑枯發枝葉磨鈍起鋒鋌崔閣連鑣驚錢兄接  
翼翔齊竽混韶夏燕石厠琳琅同日升金馬分宵直未央共  
詞加寵命合表謝恩光廐馬驕初跨天廚味始嘗朝晡頒餅  
餌寒暑賜衣裳對秉鵝毛筆俱含雞舌香青縑衾薄絮朱裏  
幕高張晝食恆連案宵眠每並牀差肩承詔旨連署進封章  
起草偏同視疑文最共詳滅私容黠竄窮理析毫芒便共輸  
肝膽何曾異肺腸慎微參石奮決密與張湯禁闥青交瑣宮  
垣紫界牆井闌排菡萏檐瓦鬬鴛鴦樓額題鳩鵲池心浴鳳  
凰風枝萬年動溫樹四時芳宿露凝金掌晨暉上璧璫砌筠  
塗綠粉庭果滴紅漿曉從朝興慶春陪宴柏梁傳呼鞭索索  
拜舞珮鏘鏘仙仗環雙闕神兵闢兩廂火翻紅尾旆冰卓白



竿槍滉瀟經魚藻深沈近浴堂分庭皆命婦對院卽儲皇貴  
主冠浮動親王轡鬧裝金鈿相照耀朱紫間熒煌毬簇桃花  
綺歌巡竹葉觴窪銀中貴帶昂黛內人妝賜楔東城下頒酺  
曲水旁尊罍分聖酒妓樂借仙倡淺酌看紅藥徐吟把綠楊  
宴迴過御陌行歇入僧房白鹿原東腳青龍寺北廊望春花  
景暖避暑竹風涼下直閑如社尋芳醉似狂有時還後到無  
處不相將雞鶴初雖雜蕭蘭久乃彰來燕隗貴重去魯孔恂  
惶聚散期難定飛沈勢不常五年同晝夜一別似參商屈折  
孤生竹銷摧百鍊鋼途窮任顛顛道在肯徬徨尙念遺簪折  
仍憐病雀瘡卹寒分賜帛救餒減餘糧藥物來盈裹書題寄  
滿箱殷勤翰林主珍重禮闈郎煦沫誠多謝搏扶豈所望提



攜勞氣力吹簫不飛揚拙劣才何用龍鍾分自當牧嫗徒費  
黛磨甌詎成璋習隱將時背千名與道妨外身宗老氏齊物  
學蒙莊疏放遺千慮愚蒙守一方樂天無怨歎倚命不劬勦  
憤懣曾須豁交加臂莫攘珠沈猶是寶金躍未爲祥泥尾休  
搖掉灰心罷激昂漸閑親道友因病事醫王息亂歸禪定存  
神入坐亡斷癡求慧劍濟苦得慈航不動爲吾志無何是我  
鄉可憐身與世從此兩相忘

東南行一百韻寄通州元九侍御澧州李十一舍人果

州崔二十二使君開州韋大員外庾三十二補闕杜十

四拾遺李二十助教員外竇七校書

元稹集和此詩注  
內本題末尚有兼

投弔席八  
舍人七字



南去經三楚東來過五湖山頭看候館水面問征途地遠窮  
江界天低極海隅飄零同落葉浩蕩似乘桴漸覺鄉原異深  
知土產殊夷音語嘲啗蠻態笑睢盱水市通闐闐煙村混舳  
艫吏徵漁戶稅人納火田租亥日饒鰕蟹寅年足虎羆成人  
男作傭事鬼女爲巫樓閣攢倡婦隄長簇販夫夜船論鋪賃  
春酒斷餅酤見果皆盧橘聞禽悉鷓鴣山歌猿獨叫野哭鳥  
相呼嶺徼雲成棧江郊水當郭月移翹柱鶴風汎颭檣烏鰲  
礙潮無信蛟驚浪不虞鼉鳴江拙鼓蜃氣海浮圖樹裂山魑  
穴沙含水弩樞喘牛犁紫芋羸馬放青菰繡面誰家婢鵝頭  
幾歲奴泥中采菱芡燒後拾樵蘇鼎膩愁烹鼃盤腥厭膾鱸  
鍾儀徒戀楚張翰浪思吳氣序涼還熱光陰旦復晡身方逐



萍梗年欲近桑榆渭北田園廢江西歲月徂憶歸恆慘澹懷  
舊忽踟躕自念咸秦客嘗爲鄒魯儒蘊藏經國術輕棄度關  
繻賦力凌鸚鵡詞鋒敵輓轡戰文重掉鞅射策一彎弧崔杜  
鞭齊下元韋轡並驅名聲逼揚馬交分過蕭朱世務輕摩揣  
周行竊覬覦風雲皆會合雨露各霑濡共遇昇平代偏慙固  
陋軀承明連夜直建禮拂晨趨美服頒王府珍羞降御厨議  
高通白虎諫切伏青蒲柏殿行陪宴花樓走看酺神旗張烏  
獸天籟動笙竽戈劒星芒耀魚龍電策駟定場排越伎促坐  
進吳歛縹緲疑仙樂嬋娟勝畫圖歌鬟低翠羽舞汗墮紅珠  
別選閑遊伴潛招小飲徒一杯愁已破三酸氣彌麤輒美仇  
家酒幽閒葛氏姝十千方得斗二八正當壚論笑杓胡律談



憐鞏囁嚅李酣猶短實庾醉更薦迂鞍馬呼教住骰盤喝遣

輸長驅波卷白連擲采成盧

骰盤卷白波莫走走鞍馬皆當時酒令

籌并頻逃

席觥嚴列置孟滿卮那可灌頽玉不勝扶入視中樞草歸乘

內廐駒醉曾衝宰相驕不揖金吾日近恩雖重雲高勢卻孤

翻身落霄漢失腳到泥塗博望移門籍潯陽佐郡符

子自太子贊善

大夫出爲江州司馬時情變寒暑世利算錙銖卽日辭雙闕明朝別九

衢播遷分郡國次第出京都

十年春微之移佐通州其年秋予出佐潯陽明年冬杓直出牧

豐州崔二十二出牧果州韋大出牧開州

秦嶺馳三驛商山上二邛

商山險道中邛有東西二邛

峴陽亭寂寞夏口路崎嶇大道全生棘中丁盡執爨江關未

撤驚淮寇尙稽誅

時淮西未平路經襄鄂二州界所見如此

林對東西寺山分大

小姑

東林西林寺在廬山北大姑小姑在廬山南彭蠡湖中

廬峯蓮刻削湓浦帶縈紆



蓮花峯在廬山北溢水在江城南何九派吞青草潯陽江九

遜詩云彭城對溢水溢水縈如帶庭湖孤城覆綠蕪南方城壁多黃昏鐘寂寂清曉角鳴鳴春色

辭門柳秋聲到井梧殘芳怨鴉鳩見楚詞暮節感茱萸藥坼金

英菊花飄雪片蘆波紅日斜沒沙白月平鋪幾見林抽筍頻

驚燕引雛歲華何倏忽年少不須臾眇默思千古蒼茫想八

區孔窮緣底事顏天有何辜龍智猶經醢龜靈未免刳窮通

應已定聖哲不能逾况我身謀拙逢他厄運拘漂流隨大海

錘鍛任洪鑪險阻嘗之矣栖遲命也夫沈冥消意氣窮餓耗

肌膚防瘴和殘藥迎寒補舊繻書牀鳴蟋蟀琴匣網蜘蛛貧

室如懸磬端憂劇守株時遭人指點數被鬼揶揄兀兀都疑

夢昏昏半是愚女驚朝不起妻怪夜長吁萬里拋朋侶三年



言言卷三  
隔友于自然悲聚散不是恨榮枯去夏微之瘡今春席八殂  
天涯書達否泉下哭知無去年聞元九瘡瘡書去竟未報今春聞席八歿久與還往能無慟哭  
謾寫詩盈卷空盛酒滿壺只添新悵望豈復舊歡娛壯志因  
愁減衰容與病俱相逢應不識滿領白髭鬚

寄獻北都畱守裴令公

并序

司徒令公分守東洛移鎮北都一心勤王三月成政  
形容盛德實在歌詩况辱知音敢不先唱輒奉五言  
四十韻寄獻以抒下情

天上中台正人間一品高休明值堯舜勲業過蕭曹始擅文

三捷

進士及第博學  
制策連登三科

終兼武六韜動人名赫赫憂國意叨叨

盪蔡擒封豕

吳元  
濟也

平齊斬巨鼉

李師  
道也

兩河收土宇四海定波



濤寵重移宮籥

自東都留守授北京畱守

恩新換閫旄保釐東宅靜守護

北門牢晉國封疆閭并州士馬豪胡兵驚赤幟邊雁避烏號

令下流如水仁霑澤似膏路喧歌五袴軍醉感單醪將校森

貔虎賓僚儼雋髦客無煩夜柝吏不犯秋毫神在臺駘助魂

亡獫狁逃德星銷彗孛雨滅腥臊烽戍高臨代關河遠控

洮汾雲晴漠漠朔吹冷飈飈豹尾交牙戟蚪鬚捧佩刀通天

白犀帶照地紫麟袍羌管吹楊柳燕姬酌蒲萄

蒲萄酒出太原

銀含

鑿落醖金屑琵琶槽遙想從軍樂應忘報國勞紫微畱北闕

中書令即紫微令也

綠野寄東臯

綠野堂在東都午橋莊也

忽憶前時會多慚下客

叨清宵陪讌話美景從遊遨花月還同賞琴詩雅自操朱絃

拂宮徵洪筆振風騷近竹開方丈依林架桔槔春池八九曲



畫舫雨三艘徑滑苔黏屐潭深水沒篙綠絲縈岸柳紅粉映

樓桃皆午橋庄中佳境為穆先陳醴居易每十齋日在會常蒙以二勤湯代酒也招劉共

藉糟劉夢得也舞鬟金翡翠歌頸玉螭螭盛德終難過明時豈易

遭公雖慕張范張良范蠡帝未舍伊臯眷戀心方結踟躕首已搔

鸞皇上寥廓燕雀任蓬蒿欲獻文狂簡徒煩思鬱陶可憐四

百字輕重抵鴻毛

行簡初授拾遺同早朝入閣因示十二韻

夜色向蒼蒼槐陰夾路長聽鐘出長樂傳鼓到新昌宿雨沙

隄潤秋風樺燭香馬驕欺地輒人健得天涼待漏排闥闔停

珂擁建章爾隨黃閣老吾次紫微郎並入連稱籍齊趨對折

方鬪班花接萼綽立雁分行近職誠為美微才豈合當綸言



難下筆諫紙易盈箱老去何僥倖時來不料量唯求致身地  
相誓答恩光

送客南遷

我說南中事君應不願聽曾經身困苦不覺語丁寧燒處愁  
雲夢波時憶洞庭春畚煙勃勃秋瘴霧冥冥蚊蚋經冬活魚  
龍欲雨腥水蟲能射影山鬼解藏形穴掉巴蛇尾林飄鳩鳥  
翎颶風千里黑蕪草四時青客似驚弦雁舟如委浪萍誰人  
勸言笑何計慰飄零慎勿琴離膝長須酒滿甌大都從此去  
宜醉不宜醒

楊柳枝二十韻

并序

楊柳枝洛下新聲也洛之小妓有善歌之者詞章音



韻聽可動人故賦之

小妓攜桃葉新聲踏柳枝妝成翦燭後醉起拂衫時繡履嬌  
行緩花筵笑上遲身輕委迴雪羅薄透凝脂笙引簧頻暖箏  
催柱數移樂童翻怨調才子與妍詞便想人如樹先將髮比  
絲風條搖兩帶煙葉貼雙眉口動櫻桃破囊低翡翠垂枝柔  
腰嫋娜黃嫩手葳蕤唳鶴晴呼侶哀猿夜叫兒玉敲音厯厯  
珠貫字纍纍袖爲收聲點釵因赴節遺重重遍頭別一一拍  
心知塞北愁攀折江南苦別離黃遮金谷岸綠映杏園池春  
惜芳華好秋憐顏色衰取來歌裏唱勝向笛中吹曲罷那能  
別情多不自持纏頭無別物一首斷腸詩

送崔侍御之嶺南二十韻

并序

元稹



古朋友別皆贈以言况南方物候飲食與北土異其  
甚者夷民喜聚蠱秘方云以含銀變黑爲驗攻之重  
雄黃海物多肥腥啖之好嘔泄驗方云備之在鹹食  
嶺外饒野菌視之蟲蠹者無毒羅浮生異果察其鳥  
啄者可餐大抵珠璣瑋琄之所聚貴潔廉湮鬱暑濕  
之所蒸避溢慾其餘道途所慎離愴之懷盡之二百  
言矣敘不復云

漢法戎施幕秦官郡置監蕭何歸舊印

自江陵  
士曹拜

鮑永授新銜

幣聘雖盈篋泥章未破緘蛛懸絲繚繞鵲報語詰謫再礪神

羊角重開憲簡函

崔君前任  
已爲御史

鞶纓馳赴赴綏佩繡驂驂逸翮

憐鴻翥離心覺刃劓聯游虧片玉洞照失明鑒遙想車登嶺



詩集山房集卷三  
三  
那無淚滿衫茅蒸連蜥氣衣漬度梅黻象鬬緣谿竹猿鳴帶  
雨杉颶風狂浩浩韶石峻嶻嶭宿浦宜深泊祈瀧在至誠瘴  
江乘早度毒草莫親芟試蠱看銀黑排腥貴食鹹菌須蟲已  
蠹果重鳥先鵠冰瑩懷貪水霜清顧痛巖珠璣當盡擲蕙苴  
詎能讒荆俗欺王粲吾生問季咸遠書多不達勤爲枉檄檄

酬樂天東南行詩一百韻

并序

元和十年三月二十五日予司馬通州二十九日與  
樂天于鄠東蒲池村別各賦一絕到通州後予又寄  
一篇尋而樂天貺予八首予時瘡病將死一見外不  
復記憶十三年予以赦當遷簡省書籍得是八篇吟  
歎方極適崔果州使至爲予致樂天去年十二月二



日書書中寄予百韻至兩韻凡二十四章屬李景信  
校書自忠州訪予連牀遞飲之間悲咤使酒不三兩  
日盡和去年已來三十二章皆畢李生視草而去四  
月十三日子手寫爲上下卷仍依次重用本韻亦不  
知何時得見樂天因人或寄去通之人莫可與言詩  
者唯妻淑在旁知狀

我病方吟越君行已過湖

元和十年閏六月至通州染瘴  
危重八月聞樂天司馬江州

去

應緣直道哭不爲窮途亞竹寒驚牖空堂夜向隅暗魂思背

燭危夢怯乘桴

此後每聯之內半述巴  
蜀土風半述江鄉物產

坐痛筋骸憊旁嗟物

候殊雨蒸蟲沸渭浪湧怪睢盱索梗飄蚊蚋蓬蔚蝨舳艫短  
簷苦稻草微俸封漁租泥浦喧撈蛤荒郊險鬪獮鯨吞近溟



漲猿鬧接黔巫芒屨泗牛婦了頭蕩槩夫酢醅荷裏賣醅酒

水淋沽巴民造酒如淋醋法舞態翻鸚鵡歌詞咽鷓鴣夷音啼似笑蠻

語謎相呼江郭船添店山城木豎郭吹聲沙市犬爭食墓林

烏獷俗誠堪憚妖神甚可虞欲令仁漸及已被瘡潛圖膳減

思調鼎行稀恐蠹樞雜蓐多剖鱖和黍半蒸菰綠粳新菱實

金丸小木奴巴橘酸澀大如彈丸芋羹真慙淡鼈炙漫塗蘇魚鼈那勝

芋烹鯨只似鱸通州俗以鯨魚爲膾楚風輕似蜀巴地濕如吳氣濁星

難見州斜日易晡通宵但雲霧未酉卽桑榆此後並言巴中風俗瘴窟

蛇休蟄炎溪暑不徂俚魂陰叫嘯鵬貌晝踟躕鄉里家藏蠱

官曹世乏儒斂緡偷印信傳箭作符繻椎髻拋巾幘鎭刀代

輓轡當心鞞銅鼓背弣射桑弧巴民盡射木弓仍于弓左安箭豈復民毗料



須將鳥獸驅是非渾並漆詞訟敢研朱陋室鶚窺伺衰形蟒

覬覦髣毛霜點合襟淚血痕濡倍憶京華伴偏忘我爾軀此後

並言與樂天同適居今共遠榮路昔同趨科試銓衡局衙參

典校厨書判同年月中分桂樹天上識菖蒲應召逢鴻澤陪

遊值賜醑心唯撞衛磬耳不亂齊竽此後並言同海岱詞鋒

截皇王筆陣毆疾奔凌騖裏高唱軋吳歆點檢張儀舌提攜

傳說圖擺囊看利穎開領出明珠並取千人特皆非十上徒

白麻雲色膩墨詔電光麤眾口貪歸美何顏敢妬姝秦臺納

紅旭艷匣洗黃壚諫獵寧規避彈豪詎囁嚅肺肝憎巧曲蹊

徑絕縈迂誓遣朝綱振忠饒翰苑輸元和四年爲監察御史樂天爲翰林學士驥

調方汗血蠅點忽成盧遂謫棲遑掾還飛送別孟痛嗟親愛



隔顛望友朋扶羸病翻隨鼠驄羸返作駒物情良徇俗時論

太誣吾瓶罄罄偏恥松摧柏自孤虎雖遭陷奔龍不怕泥塗

以上並述五年貶掾江陵樂天亦遭謗鑠重喜登賢苑方欣佐伍符九年樂天除太子贊善予

從事唐判身入矛戟輕敵比鎗銖驛騎來千里天書下九衢

因教罷飛檄便許到皇都十年春自唐州召予入京舟敗罌浮漢驂疲杖

過邗郵亭一蕭索烽候各崎嶇餽餉人推輅誰何吏執爰拔

家逃力役連鑣責音債逋誅防戍兄兼弟收田婦與姑縑紉工

女竭青紫使臣紆望國參雲樹歸家滿地蕪破窗塵埽埽幽

院鳥鳴鳴此以下並言靖安里無人居觸目荒涼祖竹藁新筍孫枝壓舊梧晚

花狂蛺蝶殘蒂宿茱萸始悟摧林秀因街避繳蘆文房長遣

閉經肆未曾鋪鷓鴣方求侶鴟鵂已嚇雛徵還何鄭重斥去



亦須臾迢遞投遐徼蒼皇出奧區通州誠有咎溢口定無辜

三月稹之通州八月樂天之江州利器從頭匣剛腸到底剗薰蕕任盛貯稊

稗莫超踰公幹經時臥鍾儀幾歲拘光陰流似水蒸瘴熱於

鑪薄命知然也深交有矣夫救焚期骨肉投分刻肌膚本題云寄

豐州李十一舍人果州崔二十二員外開州韋大員外通州元九侍御庾三十二補闕杜十四拾遺李二十助教竇七校

書兼投弔二妙馳軒陛三英詠袴襦庾三十一杜十四並居北

席八舍人李多嘲蝦蟇竇數集蜘蛛李二十雅善歌詩多詠物

大各典之喜數子皆奇貨唯予獨朽株邯鄲笑匍匐燕薊受擲揄嬾

學三閭憤甘齊百里愚耽眠稀醒素憑醉少嗟吁學問徒爲

爾書題盡已于別猶多夢寐情尙感凋枯近喜司戎健尋傷

掌誥俎今日得樂天書士元名位屈伯道子孫無舊好飛瓊



翰新詩灌玉壺幾催閑處泣終作苦中娛廉蘭聲相讓燕秦  
勢豈俱此篇應絕倒休漫捋髭鬚

和樂天送客遊嶺南二十韻

我自離鄉久君那度嶺頻一杯魂慘澹萬里路艱辛江館連

沙市瀧船泊水濱騎田迴北顧銅柱指南鄰大壑浮三島周

天過五均波心湧樓閣規外布星辰交廣間南極浸高北極浸低圓規度外星辰至

眾大如五曜者數十皆不在星經狒狒穿筒格猩猩置屐馴貢兼蛟女絹俗

重語兒巾南方去京華絕遠冠冕不到唯海路稍船主腰藏

寶南方呼波斯為船主胡人黃家砦柴去聲南起塵歌鐘排

象背炊爨上魚身夷民大陳設則巨象背上作樂大魚出浮身若洲島海人泊舟于旁因而炊爨其上

魚不電白雷山接旗紅賊艦新島夷徐市種廟現趙佗神鳶



跼方知瘴蛇蘇不待春曙潮雲斬斬夜海火燐燐海水夜擊之則盡如

火蓋陰火潛然之謂也冠冕中華客梯航異域臣果然皮勝錦吉了舌

如人風黶秋茅葉煙埋曉月輪定因元髮變焉用翠毛珍勾

漏沙須買貪泉貨莫親能傳稚川術何患隱之貧



讀雪山房唐詩卷二十五終



讀雪山房唐詩卷二十六 小傳一 目錄一 詩十五

詩人小傳 二十二

陳陶 字嵩伯嶺南人大中時遊學長安南唐昇元中隱

洪州西山後不知所終詩十卷今鈔五排一首七

絕六首

常理 全唐詩不載今鈔五排一首



讀書山房集卷三

甲子

讀書山房集卷三

讀書山房集卷三

讀書山房集卷三

讀書山房集卷三



讀雪山房唐詩卷二十六

五排目錄五

李商隱十首

溫庭筠三首

杜牧三首

許渾一首

張祐一首

唐彥謙一首

韓偓一首

陳陶一首

常理一首

皎然二首







讀雪山房唐詩卷二十六

五排 五

有感

原注紀甘  
露之變

李商隱

丹陛猶敷奏彤庭歛戰爭臨危對盧植

原注是晚獨召  
故相彭陽公入始悔

用龐萌御杖收前殿兵徒劇背城蒼黃五色棒掩遏一陽生  
古有清君側今非乏老成素心雖未易此舉太無名誰瞑銜  
冤目寧吞欲絕聲近聞開壽讌不廢用咸英

戲贈張書記

別館君孤枕空庭我閉關池光不受月暑氣欲沈山星漢秋  
方會關河夢幾還危絃傷遠道明鏡惜紅顏古木含風久平  
蕪盡日閑心知兩愁絕不斷若循環



哭遂州蕭侍郎二十四韻

蕭澣

遙作時多難先令禍有源初驚逐客議旋駭黨人冤密侍榮  
方入司刑望愈尊皆因優詔用實有諫書存苦霧三辰沒窮  
陰四塞昏虎威狐更假隼擊鳥踰喧徒欲心存闕終遭耳屬  
垣遺音和蜀魄易簣對巴猿有女悲初寡無男泣過門

原注  
公止

裴氏一女結褵之  
明年又喪良人

朝爭屈原草廟餒若敖魂迴閣傷神峻長

江極望翻青雲寧寄意白骨始霑恩早歲思東閣爲邦人故

園

原注余初  
謁于鄭舍

登舟慚郭泰解榻愧陳蕃分以忘年契情猶錫

類敦公先真帝子我系本王孫嘯傲張高蓋從容接短轅秋

吟小山桂春醉後堂萱自歎離通籍何嘗忘叫閭不成穿壙

入終擬上書論多士還魚貫云誰正駿奔暫能誅儵忽長與



問乾坤蟻漏三泉路蟹啼百草根始知同泰講徼福是虛言

送千牛李將軍赴闕五十韻

照席瓊枝秀當年紫綬榮班資古直閣勳伐舊西京在昔王  
綱紊因誰國步清如無一戰霸安有大橫庚內豎憑依切兇  
門責望輕中台終惡直上將更要盟丹陛祥烟滅皇闈殺氣  
橫喧闐眾狙怒容易入蠻驚樗枳寬之久防風戮不行素來  
矜異類此去豈親征捨魯真非策居邠未有名曾無力牧御  
寧待雨師迎火箭侵乘石雲橋逼禁營何時絕刁斗不夜見  
櫓槍屢亦聞投鼠誰其敢射鯨世情休念亂物議笑輕生大  
鹵思龍躍蒼梧失象耕靈衣沾愧汗儀馬困陰兵別館蘭薰  
酷深宮蠟焰明黃山遮舞態黑水斷歌聲縱未移周鼎何辭



免趙坑空拳

當作卷

轉鬪地數板不沈城且欲憑神算無因計

力爭幽囚蘇武節棄市仲由纓下殿言終驗增埤事早萌

原注

先時桑道茂請修奉天城

蒸雞殊減膳屑麴異和羹否極時還泰屯餘運

果亨流離幾南渡倉卒得西平神鬼收昏黑姦兇首

去聲滿盈

官非督護貴師以丈人貞覆載還高下寒暄急改更馬前烹

莽卓壇上揖韓彭扈蹕三台正回軍六合晴此時惟短劒仍

世盡雙旌顧我由羣從逢君歎老成慶流歸嫡長貽厥在名

卿隼擊須當要鵬搏莫問程趨朝排玉座出位泣金莖幸籍

梁園賦叨蒙許氏評中郎推貴壻定遠重時英政已標三尙

人今伫一鳴長刀懸月魄快馬駭星精披豁慙深眷睽離動

素誠蕙畱春曉晚松待歲崢嶸異縣期迴雁登時已飯鯖去



程風刺刺別夜漏丁丁庾信生多感楊朱死有情絃危中婦  
瑟甲冷想夫箏會與秦樓鳳俱聽漢苑鸞洛川迷曲沼煙月  
兩心傾

五言述德抒情詩一首四十韻獻上杜七兄僕射相公

杜悰

帝作黃金闕仙開白玉京有人扶太極惟嶽降元精耿賈官  
勲大荀陳地望清旗常懸祖德甲令著嘉聲經出宣尼壁書  
畱晏子楹武鄉傳陣法踐土主文盟自昔流王澤由來仗國  
楨九河分合沓一柱忽崢嶸得主勞三顧驚人肯再鳴碧虛  
天共轉黃道日同行後飲曹參酒先和傳說羹卽時賢路闢  
此夜泰階平願保無疆福將圖不朽名率身期濟世叩額慮



興兵感念殽屍露咨嗟趙卒坑倘令安隱忍何以贊貞明惡  
草雖當路寒松實挺生人言真可畏公意本無爭故事畱臺  
閣前驅且旆旌芙蓉王儉府楊柳亞夫營清嘯頻疏俗高談  
屢析醒過庭多令子乞墅有名甥南詔應闕命西山莫敢驚  
寄辭收的博端坐埽欒槍雅宴初無倦長歌底有情檻危春  
水暖樓迥雪峰晴移席牽綳蔓迴橈撲絳英誰知杜武庫只  
見謝宣城有客趨高義於今滯下卿登門慚後至置驛恐虛  
迎自是依劉表安能比老彭雕龍心已切畫虎意何成豈有  
曾黔突徒勞不倚衡乘時乖巧宦占象合艱貞廢忘淹中學  
遲迴谷口耕悼傷潘岳重樹立馬遷輕隴鳥悲丹觜湘蘭怨  
紫莖歸期過舊歲旅夢繞殘更弱植叨華族衰門倚外兄欲



陳勞者曲未唱淚先橫

今月二日不自量度輒以詩一首四十韻干瀆尊嚴伏  
蒙仁恩俯賜披覽獎踰其實情溢于辭願惟疏蕪曷用  
酬戴輒復五言四十韻詩獻上亦詩人詠歎不足之義  
也

家壇無雙譽朝居第一功四時當首夏八節應條風滌濯臨  
清濟巉巖倚碧嵩鮑壺冰皎潔王珮玉丁東處劇張京兆通  
經戴侍中將星臨迴夜卿月麗層穹下令銷秦盜高談破宋  
聾含霜太山竹拂霧嶧陽桐樂道乾知退當官塞匪躬服箱  
青海馬入兆渭川熊固是符真宰徒勞讓化工鳳池春漱澹  
雞樹曉瞳矐願守三章約還期九譯通薰琴調大舜寶瑟和



神農慷慨資元老周旋值狡童仲尼羞問陣魏絳喜和戎款  
款將除蠹孜孜欲達聰所求因渭濁安肯與雷同物議將調  
鼎君恩忽賜弓開吳相上下全蜀占西東銳卒魚懸餌豪胥  
鳥在籠疲民呼杜母鄰國仰羊公置驛推東道安禪台北宗  
嘉賓增重價上士悟真空扇舉遮王導尊開見孔融煙飛愁  
舞罷塵定惜歌終岸柳兼池綠園花映燭紅未曾周顗醉轉  
覺季心恭繫滯喧人望便蕃屬聖衷天書何日降庭燎幾時  
烘早歲乖投刺今晨幸發蒙遠途哀跛鼃薄藝獎雕蟲故事  
曾尊隗前修有薦雄終須煩刻劃聊擬更磨礪蠻嶺晴畱雪  
巴江晚帶楓營巢憐越燕裂帛待燕鴻自苦誠先槩長飄不  
後蓬容華雖少健思緒卽悲翁感激淮山館優游碣石宮待



公三入相丕祚始無窮

寄太原盧司空三十韻

盧鈞

隋艦臨淮甸唐旗出井陘斷鼉摺四柱卓馬濟三靈祖業隆  
盤古孫謀復大庭從來師俊傑可以煥丹青舊族開東岳雄  
圖奮北溟邪同獬廌觸樂伴鳳凰聽酣戰仍揮日降妖亦鬪  
靈將軍功不伐叔舅德惟馨雞塞誰生事狼煙不暫停擬填  
滄海鳥敢競太陽螢內草纔傳詔前茅已勒銘那勞出師表  
盡入大荒經德水縈長帶陰山繞畫屏祇憂非縈肯未覺有  
膾腥保佐資冲漠扶持在杳冥乃心防暗室華髮稱明廷按  
甲神初靜揮戈思欲醒義之當妙選原注小弟義叟孝若近  
歸寧原注三十五丈明府高科來歸膝下月色來侵幌詩成有轉櫺羅含黃菊



宅柳惲白蘋汀神物龜酬孔仙才鶴姓丁西山童子藥南極  
老人星自頃徒窺管于今愧挈瓶何由叨末席還得叩元局  
莊叟虛悲雁終童漫識颺幕中雖策畫劒外且伶俜候候行  
忘止鰥鰥臥不瞑身應瘠於魯淚欲溢爲榮禹貢思金鼎堯  
圖憶土釧公乎來入相王欲駕云亭

贈送前劉五經映三十四韻

建國宜師古興邦屬上庠從來以儒戲安得振朝綱叔世何  
多難茲基遂已亡泣麟猶委吏歌鳳更佯狂屋壁餘無幾焚  
坑逮可傷挾書秦二世壞宅漢諸王草草臨盟誓區區務富  
強微茫金馬署狼籍鬪雞場盡欲心無竅皆如面正牆驚疑  
豹文鼠貪竊虎皮羊南渡宜終否西遷冀小康策非方正士



貢絕孝廉郎海鳥悲鐘鼓狙公畏服裳多岐空擾擾幽室竟  
偃偃凝邈爲時範虛空作士常何由羞五霸直自咎三皇別  
派驅楊墨他鑣並老莊詩書資破冢法制困探囊周禮仍存  
魯隋師果禪唐鼎新麾一舉革故法三章星宿森文雅風雷  
起退藏縲囚爲學切掌故受經忙夫子時之彥先生迹未荒  
褐衣終不召白首興難忘感激殊非聖棲遲到異粃片時褻  
有德一字貶無良燕地尊鄒衍西河重卜商式閭眞道在擁  
篲信謙光太原公亦受經于公獲預青衿列叨來絳帳傍雖從各言志  
還要大爲防勿謂孤寒棄深憂許直妨叔孫讒易得盜蹠暴  
難當雁下秦雲黑蟬休隴葉黃莫渝巾屨念容許後升堂

哭虔州楊侍郎

虞卿



漢網疏仍漏齊民困未蘇如何大丞相翻作弛刑徒中憲方  
多易尹京終就拘本矜能弭謗先議取非辜巧有凝脂密功  
無一柱扶深知獄吏貴幾迫季冬誅呼帝青天闊辭家白日  
晡流亡誠不弔神理若爲誣在昔恩知忝諸生禮秩殊入韓  
非劒客過趙受鉗奴楚水招魂遠邨山卜宅孤甘心親埴蟻  
旋踵戮城狐是冬舒李伏誅陰隲今如此天災未可無莫憑牲玉請  
便望救焦枯

鏡檻

鏡檻芙蓉入香臺翡翠過撥弦驚火鳳交扇拂天鷲隱忍楊  
城笑喧傳郢市歌仙眉瓊作葉佛髻鈿爲螺五里無因霧三  
秋只見河月中供藥剩海上得綃多玉集胡沙割犀畱聖水



磨斜門穿戲蝶小閣鎖飛蛾騎檐侵羈卷車帷約幪鉞傳書  
兩行雁取酒一封駝橋迴涼風壓溝橫夕照和待鳥燕太子  
駐馬魏東阿想像鋪芳褥依稀解醉羅散時簾隔露臥後幕  
生波梯穩從攀桂弓調任射莎豈能拋夢斷聽鼓事朝珂

病中書懷呈友人

并序

溫庭筠

開成五年秋以抱疾郊野不得與鄉計偕至王府將  
議遐適隆冬自傷因書懷奉寄殿院徐侍御察院陳  
李二侍御回中蘇端公鄠縣韋少府兼呈袁郊苗紳  
李逸三友人一百韻

逸足皆先路窮郊獨向隅頑童逃廣柳羸馬臥平蕪黃卷嗟  
誰問朱絃偶自娛鹿鳴皆綴士雌伏竟非夫采地荒遺野爰



田失故都

予先祖國朝公相晉陽佐命食菜於并汾也

亡羊猶博塞

音塞

牧馬倦呼

盧奕世參周祿承家學魯儒功庸畱劍舄銘戒在盤盂經濟

懷良畫行藏識遠圖未能鳴楚玉空欲握隋珠定爲魚緣木

曾因兔守株五車堆縹帙三徑闔繩樞適與羣英集將期善

價沽葉龍圖天矯燕鼠笑胡盧賦分知前定寒心畏厚誣躡

塵追慶忌操劍學班輸文囿陪多士神州試大巫對雖希鼓

瑟名亦濫吹竽

予去秋試京兆薦名居其副

正使猜奔競何嘗計有無鐺

惓虛訪覓王霸竟揶揄市義虛焚券關譏謾棄繻至言今信

矣微尙亦悲夫白雪調歌響清風樂舞雩脅肩難黽勉搔首

易嗟吁角勝非能者推賢見射乎兕觥增恐竦杯水失鎗鏃

粉堞收丹采金觴隱僕姑垂橐羞盡爵揚觶辱彎弧虎拙休



言畫龍希莫學屠轉蓬隨款段耘草闢墁

莫汗切

墁受業鄉名

鄭藏機谷號愚質文精等貫琴筑韻相須築室連中野誅茅  
接上腴葦花綸虎落松癭鬪藥櫨靜語鶯相對閑眠鶴浪俱  
藥多勞蝶翅香酷墜蜂鬚芳草迷三島澄波似五湖躍魚翻  
藻荇愁鷺睡葭蘆暝渚藏鷓鴣幽屏臥鷓鴣苦辛隨執殯甘  
旨仰樵蘇笑語空懷橘窮愁亦據梧尙能甘半菽非敢薄生  
芻釣石封蒼蘚芳谿豔絳跼樹蘭畦繚繞穿竹路縈紆機杼  
非桑女林園異木奴橫竿窺赤鯉持翳望青鷗泮水思芹味  
琅瑯得稻租杖輕藜擁腫衣破芰披敷芳意憂鷓鴣愁聲覺  
蟪蛄短簷喧語燕高木墮饑飢事迫離幽墅貧牽犯畏途愛  
憎防杜摯悲歎似楊朱旅食常過衛羈遊欲渡瀘塞歌傷督



護邊角思單于堡戍標槍架闊河鑠舳艫威容尊大樹刑法  
避秋荼遠日窮千里歸心寄九衢寢甘誠繫滯漿饋貴雖盱  
懷刺名先遠千時道自孤齒牙頻激發簦笈尙崎嶇蓮府侯  
門貴霜臺帝命俞驥蹄初躡景鵬翅欲搏扶寓直迴驄馬分  
曹對暝烏百神歆彷彿孤竹韻含胡鳳闕分班立鵷行竦劒  
趨觸邪承密勿持法奉訐謨鳴玉鏘登降衡牙嚮曳婁祀親  
和氏璧香近博山鑪瑞景森瓊樹輕冰瑩玉壺多冠簪鐵柱  
螭首對金鋪內史書千弓將軍畫一廚眼明驚氣象心死伏  
規模豈意觀文物何勞琢砭砭草肥牧驪褭苔澀淬昆吾鄉  
思巢枝鳥年華過隙駒銜恩空抱影酬德未捐軀時輩推良  
友家聲繼令圖致身傷短翮驤首顧疲駑班馬方齊驚陳雷



亦並驅昔皆言爾志今亦畏吾徒有氣干牛斗無人辨輓轡  
客來斟綠蟻妻試踏青蚨積毀方銷骨微瑕懼掩瑜蛇矛猶  
轉戰魚服自囚拘欲就欺人事何能逭鬼誅是非迷覺夢行  
役議秦吳凜冽風埃慘蕭條草木枯低徊傷志氣蒙犯變肌  
膚旅雁唯聞叫饑鷹不待呼夢梭拋促織心繭學蜘蛛寧復  
機難料庸非信未孚激揚銜箭虎疑懼聽冰狐處已將營窟  
論心若合符浪言輝棣萼何所託葭苕喬木能求友危巢莫  
嚇雛風華飄領袖詩禮拜衾繻欹枕情何苦同舟道豈殊放  
懷親蕙芷收迹異桑榆贈遠聊攀柳裁書欲截蒲瞻風無限  
淚迴首更踟躕

感舊陳情五十韻獻淮南李僕射



嵇紹垂髫日山濤筮仕年琴樽陳席上紈綺拜牀前鄰里纔  
三徙雲霄已九遷感深情懍恍言發淚潺湲憶昔龍圖盛方  
今鶴羽全桂枝香可襲楊葉舊頻穿玉籍標人瑞金丹化地  
仙賦成攢筆寫歌出滿城傳旣矯排虛翅將持造化權萬靈  
思鼓鑄羣品待陶甄視草絲綸出持綱雨露懸法行黃道內  
居近翠華邊書迹臨湯鼎吟聲接舜絃白麻紅燭夜清漏紫  
微天雷電隨神筆魚龍落彩牋閑宵陪雍時清暑在甘泉耿  
介非持祿優游是養賢冰清臨百粵風靡化三川委寄崇推  
轂威儀壓控弦梁園提轂騎淮水換戎旃照日青油濕迎風  
錦帳鮮黛娥陳二八珠履列三千舞轉迴紅袖歌愁歛翠鈿  
滿堂開照曜分坐儼嬋娟油額芙蓉帳香塵瑋筵繡旗隨



影合金陣似波旋緹幕深迴互朱門暗接連彩虬蟠畫戟花

馬立金鞭有客將誰託無媒竊自憐抑揚中散曲漂泊孝廉

船未展干時策徒拋負郭田轉蓬猶邈爾懷橘更潸然投足

乖蹊逕冥心向簡編未知魚躍地空愧鹿鳴篇

余嘗忝京兆薦名居其副

稷下期方至漳濱病未痊

一年抱疾不赴鄉薦試有司

定非籠外鳥真是

殼中蟬蕙逕鄰幽澹荆扉興靜便草堂苔點點蔬圃水濺濺

釣罷溪雲重樵歸澗月圓嬾多成宿疾愁甚似春眠木直終

難怨膏明只自煎鄭鄉空健羨陳榻未招延旅食逢春盡羈

遊爲事牽宦無毛義檄婚乏阮修錢冉弱營中柳披敷幕下

蓮倘能容委質非敢望差肩澀劒猶堪淬餘朱或可研從師

當鼓篋窮理久忘筌折簡能榮瘁遺簪莫棄捐韶光如見借



寒谷變風煙

過華清宮二十二韻

憶昔開元日承平事勝遊貴妃專寵幸天子富春秋月白霓  
裳殿風乾羯鼓樓鬪雞花蔽膝騎馬玉搔頭繡轂千門妓金  
鞍萬戶侯薄雲欹雀扇輕雪犯貂裘過客聞韶濩居人識冕  
旒氣和春不覺煙暖霽難收澗浪和瓊甃晴陽上彩旂卷衣  
輕髻嬾窺鏡澹蛾羞屏掩芙蓉帳簾褰璫珥鉤重瞳分渭曲  
纖手指神州御案迷萱草天袍妒石榴深巖藏浴鳳鮮隰媚  
潛虬不料邯鄲蝨俄成卽墨牛劒鋒揮太皞旗焰拂蚩尤內  
嬖陪行在孤臣預坐籌瑤簪遺翡翠霜仗駐驂驪豔笑雙飛  
斷香魂一哭休早梅悲蜀道高樹隔昭邱朱閣重霄近蒼崖



萬古愁至今湯殿水鳴咽縣前流

題永崇西平王宅太尉懋院六韻

杜牧

天下無雙將關西第一雄授符黃石老學劒白猿翁矯矯雲

長勇恂恂郅縠風家呼小太尉國號大梁公

太尉季弟司徒德亦封梁國公

半夜龍驤去中原虎穴空隴山兵十萬嗣子握琬弓

今鳳翔李尚書

太尉長子

題茶山

在宜興

山實東吳秀茶稱瑞草魁剖符雖俗吏修貢亦仙才溪盡停

蠻棹旗張卓翠苔柳村穿窈窕松澗渡喧豨等級雲峯峻寬

平洞府開拂天聞笑語特地見樓臺泉嫩黃金湧

山有金沙泉修貢出

罷貢即絕

牙香紫壁裁拜章期沃日輕騎疾奔雷舞袖嵐侵澗歌



詩集山房集卷三  
聲谷答回磬音藏葉鳥雪豔照潭梅好是全家到兼爲奉詔  
來樹陰香作帳花徑落成堆景物殘三月登臨愴一盃重遊  
難自尅俯首入塵埃

華清宮三十韻

繡嶺明珠殿層巒下繚牆仰窺丹檻影猶想赭袍光昔帝登  
封後中原自古強一千年際會三萬里農桑几席延堯舜軒  
墀接禹湯雷霆馳號令星斗煥文章釣築乘時用芝蘭在處  
芳北扉閑木索南面富循良至道思元圃平居厭未央鉤陳  
裏巖谷文陛壓青蒼歌吹千秋節樓臺八月涼神仙高縹緲  
環珮碎丁當泉暖涵窗鏡雲嬌惹粉囊嫩嵐滋翠葆清渭照  
紅妝帖泰生靈壽懽娛歲序長月聞仙曲調霓作舞衣裳雨



露偏金穴乾坤入醉鄉玩兵師漢武迴手倒干將鯨鬣掀東  
海胡牙揭上陽喧呼馬嵬血零落羽林槍傾國畱無路還魂  
怨有香蜀峯橫慘澹秦樹遠微茫鼎重山難轉天扶業更昌  
望賢餘父老花萼舊池塘往事人誰問幽襟淚獨傷碧簷斜  
送日殷葉半凋霜迸水傾瑤砌疏風罅玉房塵埃羯鼓索片  
段荔支筐鳥啄摧寒木蝸涎蠹畫梁孤煙知客恨遙起泰陵  
旁

金陵阻風登延祚閣

許渾

極目皆陳迹披圖問遠公戈鋌三國後冠蓋六朝中葛蔓交  
殘壘芒花沒廢宮水流簫鼓絕山在綺羅空極浦千艘聚高  
臺一徑通雲移吳岫雨潮轉楚江風登閣慙漂梗停舟憶斷



蓬歸期與歸路杉桂海門通

華清宮和杜舍人

張祐

五十年天子離宮舊粉牆登封時正泰御宇日初長上位先  
名實中興事憲章舉戎輕甲冑餘地取河湟道帝元元祖儒  
封孔子王因緣百司署藜會一人湯渭水波濤綠秦山草木  
黃馬頭開夜照鷹眼利星芒下箭朱弓滿鳴鞭皓腕攘攷思  
獲呂望諫祇避周昌免迹貪前逐梟心不早防幾添鸚鵡勸  
頻賜荔支嘗月鎖千門靜天高一笛涼細音搖翠佩輕步宛  
霓裳胡虜根潛結昇平意遽忘衣冠逃犬虜鼙鼓動漁陽外  
戚心殊迫中途事可量雪埋妃子貌刃斷祿兒腸近侍煙塵  
隔前蹤輦路荒益知迷寵幸惟恨喪忠良北闕尊明主南宮



遜上皇禁清餘鳳吹池冷映龍光祝壽山猶在流年水共傷  
杜鵑魂厭蜀蝴蝶夢悲莊雀卵遺雕拱蟲絲罨畫梁紫苔侵  
壁潤紅樹閉門芳守吏齊鴛瓦耕民得翠璫歡康昔時樂講  
武舊兵場暮草深巖靄幽花墜逕香不堪垂白叟行折御溝  
楊

送樊琯司業入朝

唐彥謙

近者蘇司業文雄道最光夫君居太學妙譽繼中行汲郡陵  
初發汾陰篋久亡寂寥方倚席容易忽升堂去日應懸榻來  
時定裂裳愜心頻拾芥應手屢穿楊辨急如無敵飛騰固自  
強論心期舌在問事畏頭長駟馬終題柱諸生悉面牆啗螯  
誠爾雅賣餅訴公羊未見泥函谷俄驚火建章煙塵昏象魏



行在隔巴梁紅粟填郿鄠青袍過壽陽翦茅行殿濕伐柏舊  
陵香翼室青衿盡渠門火旆揚雲飛同去國星散各殊方賤  
子悲窮轍當年亦擅場齎辛尋幼婦醴酒憶先王聖域探姬  
孔皇風樂禹湯畏誅輕李喜言命小藏倉折樹休盤梨沈鉤  
且釣璜鴻都問詞客他日莫相忘

感事三十四韻

丁卯  
已後

韓偓

紫殿承恩歲金鑾入直年人歸三島路日過八花磚鴛鴦皆  
迴席臯夔亦慕羶慶霄舒羽翼塵世有神仙雖遇河清聖慙  
非岳降賢皇慈容散拙公議逼陶甄江總參文會陳暄侍狎  
筵腐儒親帝座太史認星躔側弁聆神算濡毫俟密宣宮司  
持玉研書省擘香牋

宮司書省  
皆宮中職

唯理心無黨憐才膝屢前焦



勞皆實錄宵旰豈虛傳始議新堯厯將期整舜絃去梯言必  
盡仄席意彌堅上相思懲惡中人詎省愆鹿窮惟觝觸兔急  
且獬豸本是謀賒死因之致劫遷氛霾言下合日月暗中懸  
恭顯誠甘罪韋平亦恃權良聞巢幕險寧寤積薪燃諒直尋  
鉗口奸纖益比肩晉讒終不解魯瘠竟難痊祇擬誅黃皓何  
曾識霸先嗾獒翻醜正養虎欲求全萬乘煙塵裏千官劒戟  
邊斗魁當北垓地軸向西偏袁董非徒爾師昭豈偶然中原  
成劫火東海遂桑田濺血慙嵇紹遲行笑褚淵四夷同効順  
一命敢虛捐山岳還青聳穹蒼舊碧鮮獨夫長啜泣多士已  
忘筌鬱鬱空狂叫微微幾病癲丹梯倚寥廓終去問青天

哭王贊府

陳陶



言言山房集卷三  
白水流今古青山送死生驅馳三楚掾倏忽一空名金玉埋  
皐壤芝蘭哭弟兄龍頭孤後進鵬翅失前程愁變風雲色悲  
連鼓角聲落星辭聖代寒夢閉佳城伊昔來江邑從容副國  
英德踰棲棘美公亞飲冰清大廈亡孤直羣儒憶老成白駒  
悲里巷梁木慟簪纓隴遂添新草珠還滿舊簾蒼蒼難可問  
原上晚煙橫

古別離

常理

君御狐白裘妾居絳綺幃粟鈿金夾膝花錯玉搔頭離別生  
庭草征衣斷戍樓蠅蛸網清曙菡萏落紅秋小膽空房怯長  
眉滿鏡愁爲傳兒女意不用遠封侯

奉送李中丞道昌入朝

皎然



文憲中司盛恩榮外鎮崇諸侯皆取則八使獨推功詔喜新  
銜鳳車看舊飾熊去思今武子餘教昔文翁清在如江水仁  
畱是國風光徵二千石埽第望司空

奉陪顏使君修韻海畢東溪泛舟餞諸文士

諸侯崇魯學羔雁日成羣外史刊新韻中郎定古文

魯公著書依切

韻起東字腳皆列古篆

菁華兼百代縑素備三墳國語思開物王言欲

致君研精業已就懽宴惜應分獨望西山去將身寄白雲



延輝那辭業已涼  
聾冥韻飄衣飄望  
西山去採良寄白雲

青版古案 菁華兼百分  
蘇素韻三貳  
國語思開妙王言  
俗

詰封崇舊學羔鴈日  
如羣伏史肝  
諱贈中腹安古文

書刻附  
傳公著

御奉胡題對  
春對贈  
書畢東藥  
對共對語文士

對景圖風光  
燦二千古  
融策望同空

商風車香書  
繪蕭志思  
今短千針  
逢昔文會  
辭弄歌巧水二

讀雪山房唐詩卷三十六終







